



本傳



魏野字仲先陝州陝人也世為農母嘗夢引袂於月中承兔得之因有娠遂生野及長嗜吟咏不求聞達居州之東郊手植竹樹清泉環繞旁對雲山景趣幽絕鑿土褒文曰樂天洞前為草堂彈琴其中好事者多載酒肴從之遊嘯咏終日前後郡守雖武臣舊相皆所禮遇或親造詣趙昌言性尤倨傲特置賓次戒閻吏野至即報野不喜巾幘無貴賤皆紗帽白衣以見出則跨白驢過客居士往來留題會話累宿而去

野為詩精苦有唐人風格多警策句所有草堂集十卷大中祥符初契丹使至嘗言本國得其上帙願求全部詔與之祀汾陰歲與李瀆並被薦陝令王希招之野上言曰陛下告成天地延聘岩藪臣實愚慙資性慵拙幸逢聖世獲全故里且樂吟咏實非風騷豈意天慈曲垂搜引但以嘗嬰心疾尤踈禮節麋鹿之性頓縷則狂豈可瞻對墀殿仰奉清燕望回過聽許令愚守則猷畝之間永荷帝力詔州縣長吏常加存撫又遣使圖其所居觀之五年四月復遣內侍存問

天禧三年十二月無疾而卒年六十州上其狀四年正月詔曰國家舉旌賞之命以輝邱園申卹贈之恩用慰泉壤所以褒逸民而厚風俗也故陝州處士魏野服膺儒素刻意篇章願詞格之清新為士流之推許而能篤淳古之行慕肥遯之風頃屬時巡嘗加聘召懇陳誠志願遂考槃及此淪亡載深嗟悼蘭臺清秩追飾幽扁厚其聘助之資寬以復除之命諒惟優禮式顯令名魂而有知歆此殊渥可特贈秘書省著作郎賻其家帛二十匹米三十斛州縣常加存恤二

稅外免其差徭瀆即野中表兄瀆卒訃至野哭之慟
謂其子曰吾不可去二必不至第遣其子赴之方六
日而野亦卒時甚異焉

台觀勳德法陳並其華父地命子先聖如軒商意
信也精遠其心必存忠地並立則而高仰以實地
性則意則者情意誠重誠歸誠歸誠歸誠歸誠歸
用想來辭所以乘聖與而氣氣而結則伊而士
五民結口國家舉動皆天命以我取國中取報天恩
天歸三平七十二民無非而卒六十國土其地也

東觀集序

文勝質則史質勝文則野夫詩之作不與文偕大率
情根於意言發乎情點而化之流為章句且綺靡者
不以烟火為尚風雅者不以金石為多但務其陳古
刺今去邪守正而已非所謂者雖懷質文之弘辯負
博勝之逸才固未能臻極于淵域矣鉅鹿魏野字仲
先甘棠東郭人也秉心孤高植性冲澹視浮榮如脫
屣輕寵利若鴻毛友義用仁世稀與比自蚤及長苦
於詩筆每叙事感發見景立言非規方體圓弗為中

的故人之美惡物之形態時之興替事之特變視其
激發則可千里而應之舊有草堂集行於人間傳諸
海外真可謂一代之名流詎使乎逸才私辯者知也
大中祥符中先皇帝辰祀汾陰誕由分陝法輅所
幸博採隱淪是時首被溫詔遜避不起其介癖也如
此余與之交越三十年凡遇景遣興迭為酬唱每筒
遞往還則馳無遠邇天禧己未歲余尹正京洛許造
公居豈謂未及其期而隨物化去天子聞乃震悼
制贈祕書省著作郎仍錫之賻幣蠲以公徭其光遯

也又如此今年春余忝綏益部載歷名陰憇止之辰
追訪郊墅噫岩亭索寞淒涼此時竹樹青葱依稀舊
日奈伊人之既往而流風之如在有令息閑尤增素
尚綽有父風能琴外亦酷於二雅出先君所著新舊
詩四百篇除零落外以其國風教化諷刺歌頌比興
緣情者混而編之彙為十卷求為叙述欲使乎先君
子道之行彬蔚而不泯耳余執往知生不當詿讓聊
陳梗槩用布之於篇首漢書班固引著作局為東觀
因取諸贈典故命之曰鉅鹿東觀集時天聖元年十

二月二十七日直樞密學士知益州充兵馬鈐轄薛

田述

子

新

詩

尚

日

重

世

東觀集目錄

宋魏野仲先氏著

卷一

乙巳郊天

秋日懷王專

新晴書事上宋諫議

贈岐賁推官

閒居書事

贈華山致仕韓見素



和呈寇相公見贈

謝呈寇相公名宴

上知府寇相公

寇相公生辰二首

謝寇相公見訪二首

寇相公生辰因有寄獻

和臧奎秋夜書懷

宋上知府袁刑部

謝薛端公寄惠紗扇

寄太中山人

上知府趙侍郎二首

冬日書事

盆池萍

留題敷水李先生隱居

送趙侍郎移鎮長安

送王專推官赴任河中

酬薛田推官見贈

謝王耿太傅見惠藤牀王虞部見惠藤枕

茗錢

題崇勝院河亭

送徐道士赴闕

寄贈藍田王闢寺丞

送趙寺簿東歸

和寇寺丞夏日遊麗春園

謝龍圖李待制見寄二首

喜岐貴王闡見訪

謝孫舍人題名水亭因有紀贈

贈潘閔

春日述懷

同大孫狀元送楊甫之蒲中

送王衢赴舉

寄贈陳越兼簡臧奎

白菊

卷二

四十自詠

喜大孫狀元見訪

謝師刑部見召

贈三門漕運錢舍人

送太白山人俞大中之商於訪道友王知常泊
歸故山

暮秋懷閏師

聞潘閏新授滁州散參因以寄賀

送朱台符學士閏西巡撫

陪喬職方泛舟之三門謁禹祠

冬日述懷

和三門竇寺丞見寄

送李主簿之任南陵

酬王太傅見寄

題閏師禪亭雙竹

謝喬職方惠山菜

送丕上人南遊

和王衢見寄

送師刑部赴闕

吳平孫學士以詩見寄因次本韵繼和三章用

為酬贈

送劉法曹東歸

贈惠崇上人

送臧奎赴舉

贈穎陽知縣劉焜著作

聞張師德狀元登第因以寄賀兼呈梁固狀元

寄贈河中表兄李漬

和并州劉密學見寄

寄贈三門漕運下寺丞二首

檀師告歸廬嶽贈之筇杖

聞王衢王專下第因有所感

送臧奎之寧州謁韓使君

贈長安知縣陳堯佐

上致仕趙中令

題高都監新亭

上左馮陳使君

謝孫狀元寒食見贈

送馬共之任內江縣尉兼主簿

送喬職方赴闕

喬職方將赴闕詔領河東轉輸再成長句送之

留題澶州姚氏鳴琴泉

將離藍田同王闕太傅飲王氏亭聯成二韻

卷三

謝馮亞惠鶴

送元上人歸寧

詠懷

酬謝商秘丞見贈詩牌

和長安孫舍人見寄

謝喬職方惠書

送陳越之河中寧觀

太保瑯琊相公見惠美酒因成二絕用為謝

冬暮郊居

送俞極山人歸太華

謝長安孫舍人寄惠蜀箋并茶二首

和進士田亞夫見贈

寄題石都尉村亭

謝潘閔見惠白雞

夏日書事

寄贈長安宋澣逸人十韻

和陳推官暮春感興

和河中孫諫議見送同薛田察院之龍門謁劉

煜大著

登原州城呈張贊從事

送長安趙侍郎赴闕

白鷗

送王闢赴舉

和宏武縣薛秘丞寄示手書因以謝之

秋霽草堂閒望

和孫舍人重過陝下二首

酬閔師見贈

乞箋紙寄犀浦王專著作

送王遷歸青社

送諤師赴王寺丞召寫碑

寄用晦上人

東華集目錄
和三門寶寺丞見贈

卷四

上解梁潘學士十韻

寄逸人陳孟

詠懷

贈安邑知縣方寺丞

嵩嶽十四韻

和陳推官見贈

答張生咏菊詩

送薛端公赴右蜀均輸兼呈同理劉大著二首

謝益州同理劉大著惠筇竹杖

和孫虞部見贈

貽不出院真公

別後却寄三門發運下寺丞兼簡臧推官

送劉大著赴任益州同理

晨興

酬和知制誥孫舍人見寄

送紫薇孫舍人赴鎮長安

東嶺集目錄
和郡侯咏雪

謝孫紫微同郡侯石都尉見訪
咏菊

上知府石太尉二首

送三門發運辛寺丞赴闕

疏小渠

寄河中田沃兼呈李瀆徵君

送唐爾察院赴東川提刑

薛田察院泊壽師同宿三門開化院

寄王谷推官

值雨宿諤師房

送王希赴任衢州判官

和江南提刑王國博見寄

送閒上人南遊

聞王衢王闢登第因有寄賀

送宣筆與成都同理劉大著

用晦上人遊美陂

還何學士詩集

送高生歸青社

聞孟周下第

送孫磻西遊

卷五

咏竹杯玃子

喜懷古上人見訪

村居述懷

上知府鮑少卿

懷寄表兄河中李徵君瀆

送鮑太監赴闕

依韵和長安龍圖陳學士登熙臺之什二首

謝大著劉焜寄惠玉箋

送王國博赴江南提刑

陪留臺李學士筵上賦得文石酒杯得杯字

貽司馬池

寄贈洛下達三藏

寄長安孫紫薇

依韵和益州同理劉大著喜與運使薛端公相

身藏集目錄

見之什

依韵和酬晦上人見題所居

送王甲宰青石縣

書三門開化院琳師房

送王秘丞利通倅閬州

暮冬郊居懷李安

送王太傅知榮州

依韵和李安見寄

劉煜大著忽惠雅章喜懼交集輒增二咏聊以

贈酬

送薛堦迎觀察院

又次前韵兼乞鶴

咸陽道中作

送孫状元監丞赴闕

暮秋懷王專臧奎王衢三從事

送石太尉移鎮許昌

送司馬池歸夏臺

雪竹

哭岐黃後事

送懷古上人遊錢塘

悼鶴

送王國博赴江南提刑三絕

送李安赴舉

醍醐鳥

寄贈知洋州李澤屯田

三門與臧奎推官聯句題東樓

卷六

書逸人俞太中屋壁

送文兆上人南歸

述懷

和宗人用見寄

送進士孫礎赴舉

送王闢太博赴闕呈劉正言

酬和提刑王國博見寄兼謝惠竹簟

寄贈西川御史薛端公益州同理劉大著陝路

運使臧殿院梓州提刑唐察院

送薛奎殿院赴闕

薛殿院將赴闕先歸絳臺迎覲

謝孫大諫惠茶

贈華山何學士致仕

依韵和馮亞見贈

贈薛田察院兼呈劉大著

寄贈河中孫大諫兼簡劉大著李瀆徵君

和酬孫大諫見訪之什

送賈注歸蜀

長安龍圖陳學士罷示重陽日翠微樓上見覽

拙詩之作兼蒙寄翠微樓長樂亭二記各述一

絕紀而謝之

翠微樓

長樂亭

和夏臺知縣李尚賢殿直見贈

送王專著作之任犀浦

送張子臯推官赴闕

次韵和酬洛下宋京見寄

知府石太尉閑抱瑤琴榮臨圭竇燒笋供膳刻
竹題名因成二絕紀而謝之

池上閑咏

送縣宰王希之闕下

寄唐異山人

送王秘丞赴闕

和薛田觀察咏雪三首

送趙推官赴王太尉辟命

新栽葦

送王太博出鎮桂林

謝何學士王專推官王道士同見訪

經嵩陽廢觀因有戲題

送馮介迎覲

送無用上人歸中條

秋夜與陳孟話別

寄盤屋知縣解且著作

卷七

同閏師宿三門開化院二首

東漢集目錄
寄題洪州華林胡氏書齋

三門留題

寄俞太中山人

登龍門縣樓與知宰劉大著將話別因有題紀

夏日寄懷西川峽路淮南薛臧王三運使

贈王氏神童昆季

送俞太中山人歸終南

題鄆陽楊氏書樓

送任乘南歸

偶作呈諤閨二上人

和人見咏新鶴

出戶

次韵和薛端公歸故里之什二首

聞雷宣徽薨背敕葬歸鄉

和馮亞寄進士孫碻

送唐肅察院赴闕兼呈府尹孫大諫

和酬益州劉大著同運使薛端公見寄之什

遊藍田王順山悟真寺

留題仙遊寺

清明日離藍田白鹿原寄王太傅

寄淮南制置使薛戶部

懷宗人仲容

和何學士見咏新得鶴

夏日雨中題諤師房

送外甥李渭進士赴舉

和酬入內趙供奉見贈

和薛田察院同龍門知縣劉大著洎數公禹廟

留題

三峰王耿殿丞將移鎮陝下通理先已同袁刑

部以唱和詩見寄因次前韵和酬二首

百舌鳥

送吳石赴舉

暮秋閒望

懷寄眉山知縣王闢寺丞

送王太傅抽赴闕

寄陳越學士

卷八

薛端公寄示嘉州道中所作因次韵以答

送劉大著移任龍門知縣

送壽師新加命服後歸蜀

書閨師白蓮堂

寄陳越學士託附魏仲容

送王專王衢之許下自維揚謁孫學士王舍人

送錢國博知坊州

上知府李殿院十韵

新井

書黃池谷王山長屋壁

送楊侍禁赴闕時有甄先生相隨因為之賦

和蹇藏用暮秋郊居言懷二首韵

謝劉小諫寄惠双鶴

次韵和同理王耿殿丞見贈

送唐殿院罷蜀中提刑赴詔兼呈孫大諫

雪中書事上李階殿院

獨酌吟

東海集目錄
謝薛省判寄惠鶴

送蕭諮下第西歸

謝張仲允見訪

送魏莊赴舉

酬和知府李殿院見訪見訪之什往來不休因

成四首

送王太傅知建昌軍

暮春雨中作

送蹇歲用之平陽

和絳臺王都官見寄春日書事之什

送袁景宗之荆渚省親

寄龐房

和訓李殿院見訪

寄題閬鄉李氏茅亭

和酬李殿院以野將遊吳蜀二首

上知府大同王太尉六首

吾友山陽蹇子韞常遊穎上言彼之居人有許

氏者富不因貧學非求進於郡之西手植衆木

鬱然成林：下構亭壯而不麗郡倅黃公宗旦
皇宋有名之士也常造焉尚闕歌詩以旌其美
故俾予請詩于公於是作八十言以寄題
上知府大同王太尉
酬贈絳臺錢太尉見寄
別雲臺觀同宿饒益寺與薛聯句

卷九

和酬張井見贈
啄木鳥二首

送張先寧觀

送黨宣負外赴闕兼呈劉少諫

次韵和李殿院咏雪

送李殿院移鎮淮陽

送武屯田赴峽路均輸兼簡臧奎殿院之什

燈花

次韵和酬知開封縣錢易學士見寄三首

送王太尉赴詔二首

謝王太尉惠書

東漢集目錄
送蹇臧用省兄

新栽竹

和酬何泳推官見贈

送孫推官之闕下

留題華山陳希夷先生舊隱

和馮亞見贈

送陝尉邵國華南歸廣州

和王衢見寄兼呈董行父

渭上秋夕閒望

過古戰場

長安春日書事

哭錢觀察

將遊蜀中恨有所滯至情難蓄發為拙詩寄錦

川峽路薛田臧奎二運使提刑楊及

疑山石泉

送端上人南歸

卷十

題陝府通判衙吏隱亭

東漢集目錄
聞李安下第因有所感

次韵和鄴都趙尚書見寄

送王衢之任德州推官

經溫泉

寓興七首

寄河中王專推官兼呈知府孫學士

寄贈桃林尉史温

送陝縣薛階主簿

次韵和王希知縣見贈

送錢中舍移任洋州興道縣兼呈知郡李屯田

贈孫何状元

寄友人臧奎

別同州陳太保

宿海上人房

夏夜與臧奎陳越會宿河亭聯句三十韵

解城條山

宿王闢宅與王專洎僧用海上人因成聯吟

淳化五年秋八月二十四日鉅鹿魏野江東僧

東觀集目錄
用晦趙郡李識瑯琊王衢同登解城聯句詩一
章凡六十四句

東觀集卷一

宋 魏野仲先氏著

乙巳郊天

萬物盡熙二郊天禮畢時安邊文教遠
過海赦書遲南牧雖無也東封合有之
節堂自歌咏何必向丹墀

秋日懷王專

菊花原上立村落雨晴初曉吹清群
物秋光淡太虛空看新雁字不得
故人書猶賴華亭鶴林間伴索居

新晴書事上宋諫議



美化何因見民歌處：同雨中知縣足獄奏半年空
郡閣煙光裏人家霽色中倘吟知淺拙將獻愧明公

贈岐賁推官

動靜不違書如君始是儒婢閒猶畫卦兒戲亦投壺
門冷僧長往官清道更孤吾君能大用皇宋即唐虞

閒居書事

無才動聖君養拙住山村臨事知閒貴澄心覺道尊
成家書滿屋添口鶴生孫仍喜多時雨經春免灌園

贈華山致仕韓見素

盡垂華髮戀金門獨乞懸車未五旬清世一般為隱
逸碧霄兩處應星辰繡衣脫下寧妨貴錦帳眠來不
稱貧瀟洒易添新道氣光陰難散舊風神老輕白傅
方歸洛亂鄙黃公始避秦象簡豈同青竹杖鷹冠爭
勝白綸巾世間名系昌期客物外銜稱太華人醉指
鰲頭為別業吟諄仙掌是比鄰劒生塵土揩磨懶書
帶烟嵐晒曝頻石鼓曉聽殊待漏玉潭時看異迷津
琴憐薇外聲彌淡酒愛筍中味更醇精細處方因療
鶴等閒開目為迎賓芝田女僕皆能采蘭佩兒童亦

東觀集卷一
解紉丹訣有靈還似性詩篇無病恰如身要君計想
嫌弘景棄室翻應笑子真預祝全家上昇日願停絳
節許相親

和呈寇相公見贈

深嚴相府絕纖埃宴會尋常召不才孫閣有歌凝翠
黛台棠無訟鎖青苔鳳池即省三迴入蝸舍曾蒙數
度來叨贈雅章慙繼和朱門將獻又裴徊

謝呈寇相公台宴

兩度為霖六鎮臨春殘公暇宴棠陰周瑜辨樂寧妨

醉裴度論兵不廢吟五色詔書丹鳳降十香御酒翠
娥斟野人每喜陪樽俎三入惟愁阻訪尋

上知府寇相公

文武稟全才何人更可陪有官居鼎鼐無地起樓臺
聖主詩方和親王狀始迴鎮臨求二陝調變輟三台
鳳閣須重去龍旌輜擁來下車三度雨上事數聲雷
未暇瞻圭璧先蒙訪草萊幾思趨相府恐懼復裴徊

寇相公生辰二首

嶽瀆精英氣來鍾積慶門何時生上相明日是中元

東觀集卷一
仙藥寧無種靈椿別有根佇期三入後一品見玄孫
奕世英髦命世賢懸弧時節早秋天蟾光望處將三
五鳳歷推來却半千功向清朝終突兀壽同皇祚合
連延預愁來歲逢今日不得中書獻此篇

謝寇相公見訪二首

晝睡方濃向竹齋柴門日午尚慵開驚迴一覺遊仙
夢村巷傳呼宰相來

中書兩入寇尚書出鎮雄藩半載餘棠樹陰中無訟
聽閒騎寶馬到苑廬

寇相公生辰因有寄獻

宋朝元老更推先已咏功成二十年好去上天辭將
相歸來平地作神仙坐看雲岫資閒興卧聽霓裳引
醉眠多少年辰獻詩者應無真禱似狂篇

和臧奎秋夜書懷

林中獨坐欲中宵落葉紛：觸壞袍月影漸移蛩韻
急露華初上鶴聲高四時催老秋偏感萬事縈心夜
更勞猶賴清風知我意頻吹庭竹助蕭騷

上知府素刑部

東嶺集卷一
星辰雖應碧虛中富貴情疎道氣融繞樹野雲陪淡
薄入衙山水學清通申湖靜泛孤舟月棠樹涼生一
扇風却有祖先難似處獻詩民住樂郊東

謝薛端公寄惠紗扇

鶴色紗蒙烏府寄裁衣不稱着林中水亭君有親題
處留待他時染碧籠

寄太中山人

太白空來數百年貫之今稱隱其間靜應笑我藏名
拙惹得人多到竹關

上知府趙侍郎二首

往哲英靈在重生出鎮初傳岩存舊跡棠樹認前居
美化民歌實流言帝覽虛輶來淹外郡再入老中書
善欲皆并舉奸思盡剪除登科唾負鼎避事鄙懸車
權助天生殺才隨道卷舒百官憑整肅萬物待吹噓
接士殊龍板尋僧却隼輿嘉謀常啟沃諫草旋焚如
赤子方安枕黃巾亦荷鋤囚無經宿禁農有數年儲
山勢朝衙署河聲貫里閭野人携此詠將獻幾躊躇
坐棠虛廟堂俗亦似身康藥按仙方鍊茶開御印香

吏因呈案懼民為立碑忙公退無餘事逍遙亦道裝
冬日書事

十月天不煖前村到豈能閒聞啄木鳥疑是打門僧
松色濃經雪溪聲澁帶冰吟餘還默坐稚子問慵鷹

盆池萍

乍認庭前青蘚合深疑鏡裏翠萍稠莫嫌生處波瀾
小免得漂然逐衆流

留題敷水李先生隱居

棠樹陰中來得二蓮花峰下去遲二好將門外岩磨

取為刺西巡御賜詩

送趙侍郎移鎮長安

千騎蕭蕭曉發時雨先一夜洒長岐盡知輜去臨鵝
野即者重來向鳳池函谷亂花明劔佩灞橋垂柳拂
旌旗不同調鼎民皆樂秦甸歡吹陝服悲

送王專推官赴任河中

聲華籍籍祖風存况佐風流謝使君健筆想無書債
負漏卮應少酒知聞驅裝劔懶從人借謁廟香非為
已焚好對前山思節儉夷齊餓死舜耕耘

酬薛田推官見贈

紅蓮客惠碧雲篇未及他山買石鑿且選眼前粗竹
簡和烟大刻兩三聯

謝王耿太傅見惠藤牀王虞部見惠藤枕

藤床藤枕睡騰騰軟勝眠莎與曲肱知是邊韶偏寄
惠夢中長亦感心朋

苔錢

物外幽竒物吟者復嘆吁豪家如可用窮巷却應無
閒共僧贏得卑嫌俗競呼山疑和雨買地似帶烟租

密鎖憐庭竹深藏恨砌蕪貪多寧損志嫌少不為愚
良治何由鑄常流豈易圖野人惟自愛難把悅妻孥

題崇勝院河亭

陝郡衙中寺亭臨翠靄間數聲離岼櫓幾點別州山
野客猶思住江鷗亦忘還隔墻歌舞地喧靜不相關

送徐道士赴闕

捧詔異常倫無官豈累真瓢知空似性琴想重於身
卧必思雲切行應待鶴頻林間起相送輒覺世還淳

寄贈藍田王闕寺丞

東觀集卷一
藍田名貫古京華詩匠移風更可誇解使射生人改
業能令逐熟客安家韓文公記存廳壁王右丞居對
縣衙見說偷閒偏住處悟真寺最好烟霞

送趙寺簿東歸

官滿猶如下第貧軒車迎賴舊田文九臯禽畔偏辭
我六出花中獨送君易把當杯惟俗物難持賫路是
溪雲孝終且覓甘棠什談笑還圖得再聞

和寇寺丞夏日遊麗春園

麗春園甲名公城池想遊魚恨至清一簇樓臺如畫

出數羣鷗鷺似家生芰荷香裏垂綸坐楊柳陰中把
卷行不領管絃惟靜憇相門年少有高情

謝龍圖李待制見寄二首

烟霄閒侶在烟霞惟有龍圖學士家和了御詩垂錦
帳卧聽仙樂出宮花

遙知清貴孰能攀天上閒勝地上閒除對聖君論道
外時題詩句落人間

喜岐貢王闈見訪

久別思方切同來宿敞廬閒聽一夜話勝讀十年書

拙喜文情在貧慚主禮疎共嗟高會少且願更躊躇
謝孫舍人題名水亭因有紀贈

紫薇客寫青苔壁不與尋常姓氏同多謝溪烟知我
意預先替作碧紗籠

贈潘閻

昔年放志多狂恠若比來今總不如從此華山圖籍
上又添潘閻倒騎驢潘閻昔有過華山詩
云昂頭吟望倒騎驢

春日述懷

春暖出郊亭携筇傍水行易諳馴鹿性難辨鬪雞情

妻喜栽花活兒誇鬪草羸翻嫌我慵拙不解強謀生

同大孫狀元送楊甫之蒲中

蒲本舜都州君思獨去遊雲分五老頂河噴二妃樓
雨足果全熟霜遲葉尚稠此行貧莫嘆飲餞是三頭

送王衢赴舉

獨薦因公道孤寒去若何遙裝行李少近事祖筵多
小雪飄嵩嶽微冰結汴河歸來乘四馬林下願重過

寄贈陳越兼簡臧奎

君遊帝里共喧嘩我向溪邊獨悄然工部聲華窮委

東觀集卷一
地翰林風骨醉者天朱門想少技封狀兩制應多借
盛編佇聽彤庭呈試罷龍頭相讓一人前

白菊

濃露繁霜着似無
幾多光彩照庭除
何須更待螢兼
雪便好叢邊夜讀書

東觀集卷二

宋 魏野仲先氏著

四十自詠

閒心雖不動記性覺全衰
棊退難饒客琴生却問兒
手慵農器信身散道裝知
筆硯將何用除因改舊詩
喜大孫狀元見訪

道同志貴賤陋巷每頻看
相見惟呼字留題不着官
狂吟無所忌靜坐有餘歡
却恨歸公署茆堂會宿難
謝師刑部見名

東觀集卷二
錦帳公餘後紗巾名見初一言欣契合三拜愧生疎
漸見詩多拙方知譽轉虛猶能時遣吏相問到貧居

贈三門漕運錢舍人

相知有夙緣一見兩欣然我拙宜名野君廉却姓錢
唱酬思閣筆迎送愧樓船却恐徵歸闕慵過砥柱邊
送太白山人俞大中之高於訪道友王知常泊

歸故山

羨我詩中偶有名輸君物外更無縈水聲山色為聲
色鶴性雲情是性情四皓雲間尋舊友三清路上指

前程連天太白從今去林下何時得再迎

暮秋懷閏師

風清月白樹紅時無奈重城隔閏師却羨潺湲階下
水夜深流入白蓮池

聞潘閣新授滁州散參因以寄賀

江鄉去想勝還鄉官職尋常事不常會得聖君無別
意只應圖繼賈司倉

送朱台符學士關西巡撫

聖主念黎庶選君來撫綏望高虛兩制權重帶三司

東麓集卷二
帝澤隨車布文星逐郡移語稀如學淺僕少似官卑
疏減民間賦編添馬上詩經遊憐勝異迎送厭歌吹
寒別申湖晚晴過華嶽遲瓊林忽迴日未失賞花期
陪喬職方泛舟之三門謁禹祠
波浪濺旌旗東遊謁禹祠千秌花發日西院獄空時
城裏閒棠樹船中舞柘枝晉公曾襖洛不召野人隨
冬日述懷
瘦枕閒歌葦箔褰浩然情性雪晴天却嫌雛鶴饒聲
氣驚覺苑簷曝背眠

和三門竇寺丞見寄

風情不獨少人同滿腹書寧愧郝隆職務恰如波正
急輜囊常似獄長空柳藏衙樹侵隄綠旗插樓船照
岸紅見說公餘無一事題詩多在禹祠中

送李主簿之任南陵

無嘆徒勞向官遊不群氣岸有誰如南陵暫掌仇香
印北闕終行賈誼書且喜江山尋勝境莫辭韋杜別
幽居少年躍馬同星使免得詩中道跨驢賈島詩云
長江飛鳥

外主簿
跨驢歸

東觀集卷二
酬王太傅見寄

錦川誰為寄陽春
清淨堂中清淨人
一十八賢刊石
處長如列宿照閒身

題閏師禪亭雙竹

離叢並長對禪扃
乍見翻疑是一莖
我恨與師居隔
郭他生願似此君生

謝喬職方惠山菜

山菜尋常見眼明
使君偏賜况新生
野人屈指皆知
性老圃從頭不識名
五鼎減來為異味
一簞添出稱

閒情兒童笑道真
嘉饌詩思因餐覺
轉清

送丕上人南遊

江山獨去遊三遍
始應休雲外敲清磬
船中剃白頭
阻風孤島晚聽雨
二林秋南國多嘉境
詩牌幾處留

和王衢見寄

久向東郊住
暫同麋鹿情
遊山岐路熟
見客禮儀生
藜杖新仍重
荷衣破轉輕
身猶為物外
詩亦是虛名
自愛閒無悶
誰憂道未行
絕疑疎日者
相許愧時英
窮易憐無着
圍碁惡有爭
惟應心友至
林下笑相迎

送師刑部赴闕

白首休嗟嘆君方任老臣鳳書纔入手鵲印喜離身
錦帳眠來舊花磚步去新離情棠樹曉吟思洛陽春
御札催應并天文動已頻拜迎臺有吏泣送巷無人
寺宿知題壁山行想駐輪從茲歸近密閒謁轉無因
吳平孫學士以詩見寄因次本韵繼和三章用

為酬贈

表裏山河舜帝居一作聖君館殿選賢知開筵想任
佳人擁遊寺應嫌俗客一作隨政訝龔黃推絕席文

疑元白豎降旗逍遙樓迥閒登處幾望皇唐御製碑
入居蘭省歸群望出守蒲關自聖知清禁乍辭仙漏
遠白樓閒上彩牋隨伯夷廟下停金勒大舜門中亞
繡旗遙想雄藩多少境祇應公暇遍留詩
山前衙署枕河湄遠意縈居事可知華省圖書雖輶
別故鄉風物似相隨繞城奔浪喧更鼓隔岍征帆映
酒旗刻石將同王閣長永留遺愛向歌詩

送劉法曹東歸

上官多是嘆窮途得替行裝盡有餘惟有甘棠劉法

東華集卷二
椽來時騎馬去騎驢

贈惠崇上人

張籍眼昏心不昧
崇師耳聾性還聰
是非言語徒喧
世羸得長如在定中

送臧奎赴舉

艱難天府解去掇
喜還悲舊相和文
薦偏親帶病辭
劔如機不用琴似影
相隨僕為初招
慙驢因賤買羸
窮途誰惻隱
貧巷自裝褸
餞送重陽後
榮歸上巳時
淚多同永別
酒少若輕離
又使中林客
從天役所思

贈穎陽知縣劉烜著作

門風是相門積慶豈須論
祖德書儀在科名榜貼存
政聲聞牧豎墨跡見花村
物論將徵用多應入諫垣
聞張師德狀元登第因以寄賀兼呈梁固狀元
科場消息到柴扉
皇宋風流事可知
封禪汾陰連歲
榜狀元俱是狀元師

寄贈河中表兄李瀆

早年聲譽壓羣公
恥與浮華鬪競同
似我枉教縻好爵
如君方信是冥鴻
軒車少見權門下
圖籍多於秘

閣中豈獨聖朝無賀監退藏自怯達堯聰

和并州劉密學見寄

還如裴度鎮河東百萬軍民畏愛中
鐘鼓久喧刁斗靜旌幢一指雁門空
瀟湘故友參時務燕趙佳人接士風
密地再歸知不出莫將竹馬約蒙童

寄贈三門漕運卞寺丞二首

威權自與轉輸同僕從衙庭事二雄
十郡山河閑職務一門忠孝是家風
圖書半在仙舟裏碑板多留禹廟中
閒想春隄游賞處桃花浪照舞筵紅

三門遙想六龍家多少春來事可誇
閣道尋僧同鷺嶼樓船載妓勝仙槎
送迎幾拂新亭柳巡歷時舊縣花
野客尋常思舊謁却愁詩酒勢難加

攄師告歸廬嶽贈之筇杖

瘦筇生本接西蠻我已移來二十年
輒贈攄師歸老處稱將吟倚虎溪邊

聞王衢王專下第因有所感

忽見僧來說千愁集病顏聞君俱下第
使我轉思山疑欲銷龜卜窮應笑雉還
此懷何處寫月上太虛間

送臧奎之寧州謁韓使君

路遠邠郊外嚴冬去若何時平防賊少山險下驢多
塞色晴猶慘蕃音譯尚訛賢侯雖禮待陟屺願頻歌

贈長安知縣陳堯佐

少作長安宰尋常似隱夫琴書家慣有杖隱客疑無
錦水心雖後圭峰眼不辜閒簽歸葉狀貧典舊山圖
酒為廉猶斲碁因讓忽輸即省聯鴈序相繼在蓬壺

上致仕趙中令

王業致艱難功成退自安閒中猶有俸品外更無官

洛水垂簾聽嵩峰凭几看惟應問安詔時復到門闌

題高都監新亭

高氏創高亭亭因地得名半空雲咫尺百里鏡分明
襟帶山圍陝咽喉地接京晝閒多待士時靜少論兵
鐘磬聞蓮舍槍旗見柳營吾廬正相望不侶在重城

上左馮陳使君

祖德相門闌分符衆比難憂民如有病見客似無官
地鎮三秦重衙當二華寒道心輕伏鉞詩性鄙登壇
佐幕多名士開筵少俗歡星連蒲分野河帶渭波瀾

東觀集卷二
勸課耕初動行香漏未殘書容吾道借琴聽越僧彈
拜勅風鳴珮朝元露濕冠皇恩終錫馬清夢必駉鸞
報國嫌言利修真笑鍊丹高碑人待立此詠願同刊

謝孫狀元寒食見贈

一首狀元詩封來到竹扉讀留寒食燭拜換道家衣
譽過心無愧酬遲禮輒非閒思播琴裏誰更會玄微

送馬共之任內江縣尉兼主簿

驢上吟詩賈島同內江歸去指江東封疆半在猿聲
裏道路多穿竹箒中想得兩衙長鎖印應過三載不

張弓重登制策高科在筆硯公餘莫廢功

送喬職方赴闕

一種徵書下九重漢唐賢士豈能同定歸金馬除黃
散不解銀魚勝白公千騎擁行岐路滿萬人泣送郡
城空他時若繼前交代肯憶棠郊鶴髮翁

喬職方將赴闕詔領河東轉輸再成長句送之
河東控塞詔通儒二十餘州繫慘舒位列九天應自
致權除兩地更誰如薦賢表想殷勤發詠物詩應取
次書不為龍鍾頭半白好拋泉石從軒車

東觀集卷二
留題澹州姚氏鳴琴泉

琴裏休誇石上泉，爭如此處聽潺湲。
爰於琴裏無他意，落砌聲：是自然。

將離藍田同王闢太傅飲王氏亭聯成二韻

白鹿原東澹水西，楊花漠漠草萋萋。
野那堪對此還醒別，况是醞醕鳥正啼。闢

東觀集卷三

宋魏野仲先氏著

謝馮亞惠鶴

殷勤親惠鶴，迢遞自江濱。
情性渾如我，精神酷似君。
舞思同座者，唳想隔城聞。
從此添詩景，為題好共分。
送元上人歸寧

禪性雖無着，偏親奈白頭。
直應飛錫到，方是倚門休。
雪裏猶思去，花前豈易留。
如何迎待得，住近免離愁。

詠懷

靜願身兼世何須哂復吁境牽情自有道斷事皆無
拜少腰寧負眠多眼不辜權豪任相笑適性自為娛

酬謝商秘丞見贈詩牌

初得春方暖今來歲已闌紫泥辭却易白雪和終難
頻拂心寧倦時吟齒覺寒會須親謝去閒挂釣魚竿

和長安孫舍人見寄

長安君到轉民安夏少炎蒸臘少寒接使管絃登月
榭勸農旌旆入烟巒龍池似錦花堪賞鷄野如雲稼
好觀見說添蘇亞蘇小隨軒應是珮珊珊

謝喬職方惠書

珍重君郎一紙書親書何啻啟瓊琚便回豈易逢歸
雁頻看應難長蠹魚先寄路經千里外後批情更萬
重餘靜思貴不忘貧賤當日荊州亦未如

送陳越之河中寧觀

寧觀高堂舜世西欲辭東閣思依三三台筵上飛觴
送五老峰前負米歸莫嘆貴無蘇子印且憐榮有老
萊衣舊書達少應投杼新集鏤多肯斷機紅菜村坊
臨水迥黃花岐路入山微重陽雖近難留住把酒登

高興又違

太保瑯琊相公見惠美酒因成二絕用為謝

從前相府豈頻出獨在中書十五秋太嶽汾陰封祀
了者回好共赤松遊
玉液定從金口輟曹樽分又到顏瓢雖無愁悶憑消
處麴蘖恩濃豈易消

冬暮郊居

村落欲黃昏寒雲片二疑隔城鐘似磬遠岫燒如燈
名利堪彈指林泉但枕肱何由遂閒散自喜本無能

送俞極山人歸太華

三峯倚太虛四嶽竟難如雲向中方起人歸絕頂居
道全忘世態詩必合天機不待辭榮去還應笑二疏

謝長安孫舍人寄惠蜀笺并茶二首

彩牋一軸啟瓊瑰喜見親題手自開遠勝浣花人寄
到貴從視草客分來百張重疊霞初卷千色參差錦
乍裁紅藥篇章方雅稱老夫無用擬封回
誰將新茗寄柴扉京兆孫家小紫薇鼎是舒州烹始
稱甌除越國貯皆非盧仝詩裏功堪比陸羽經中法

東麓集卷三
可依不敢頻嘗無別意却嫌睡少夢君稀

和進士田亞夫見贈

失意人方羨野人因酬佳句謝知聞
都緣月桂終難舍豈是烟蘿不背分
且縱高情歌白雪莫嗟下第負青雲
孤寒自古功成晚那獨昌期只有君

寄題石都尉村亭

園亭都尉宅景好冠京華便合名金谷
其如是石家池塘分水樓閣見宮花
有客因來說令人動嘆嗟

謝潘閬見惠白雞

遠惠雞同雪應圖警卧雲如君鳴有信
似我素無文映樹迷塘影一作影
臨流雜鷺群朝昏何所恨不共隔

籬間

夏日書事

尋常苦出門况復在炎蒸短褐披猶懶
長裾曳豈能松風輕賜扇石井勝頒冰
只此貧無事常愁不易勝

寄贈長安宋澣逸人十韻

家盛翻嘉遜誰同物外情徵君為密友
內翰是難兄靜論儒家服狂歌俠少驚
道裝輕紫綬酒旆勝紅旌

將相慵趨謁漁樵喜送迎門開紫閣色歌枕漕河聲
野鶴聽調瑟沙鷗看濯纓烟霞連社曲桑柘接昆明
丹訣皆親寫芝田忽自耕終須盡室去相並掩柴荆
和陳推官暮春感興
角冠閒戴任歌斜騎馬人稀到我家僧禮盤飧惟笋
味道情欄檻只松花驚回馴鹿林間犬聒殺靈龜雨
後蛙春去尋常何足嘆自將寂寞並繁華

和河中孫諫議見送同薛田察院之龍門謁劉
燧大著

閒憶披雲輟卧雲盡驚獬豸鹿同羣舜耕山下辭
使禹鑿龍門謁宰君莫訝樓臺拋接武却愁泉石動
移文花時離別尤堪惜頭白三分欲二分

登原州城呈張黃從事

異鄉何處最牽愁獨上邊城二上樓日暮北來惟有
雁地寒西去更無州數聲塞角高還咽一派涇河凍
不流君作貧官我為客此中離恨共難收

送長安趙侍郎赴闕

嗣君徵舊相物論更無餘聖日歸黃閣台星正碧虛

東方聞樂只一郡泣漣洳灞水猶疑噎秦雲亦不舒
綺羅圍祖席朱紫擁征車從樂時調瑟行厨忽饌蔬
先碑惟選寺通舖只擔書古道禾殘後長亭木落初
朝官逢下馬野客送騎驢從此門尤峻何由再曳裾
白鷗并序

王潤陳越監丞至伏蒙尚書寄惠白鷗一隻者
竊以南方獻處本期宿于鳳池東榻寄來忽有
光于蝸舍此蓋尚書久憐鷗處特枉鴻思舍已
從人遠辱佳禽之惠以貴下賤難忘國士之知

野聞寡鶴鳴智同鳧言謝乏碧雞之辨報恩
增黃雀之誠因作四首

萬里南禽未說珍且論得處到來因尚書遠托誰相
寄制策登科第一人
山雞形狀鶴精神紋似漣漪動白蘋物異恩殊堪鄭
重廟堂人寄草堂人

水國籠來到水村也應懷土也懷恩曾為閒客還同
我今日俱遙舊相門

李白詩中聞未識謝莊賦裏見長思今朝得爾心雖

東麓集卷三
喜致謝慚無吐鳳詩

送王闢赴舉

何必問龜長知音在玉堂十全才衆許双美卷親裝
雲少離山驛塵多近帝鄉花時新榜帖先為達岩傍
和云武縣薛秘丞寄示手書因以謝之

至交忘貴賤豈可與常論少似君書札多於我夢魂
羊岐從蜀邑鴈遞到烟村倒篋時將讀誰言我眼昏

秋霽草堂閒望

草堂高迥勝危樓時節殘陽向晚秋野色青黃禾半

熟雲容黑白雨初收依二水蒼聞村笛隱三長河認
客舟正是詩家好風景懶隨前哲却悲愁

和孫舍人重過陝下二首

二陝重過一紀強麻衣已變椹袍光數宵黃閣延三
字幾處青樓認五郎顧我豈能誇舌在逢君寧復嘆
唇亡大龍頭喪同傷處吏隱亭歌鄭谷傍

一種分符兩種榮朱衣院吏擁紅旌全家首赴鄮侯
鎮半路重過名伯城迎步綺羅無舊態隨軒絲竹有
新聲野人相見欣還愧為愛交情似世情

東觀集卷三
酬閏師見贈

絕唱和難繼因茲久滯淹隔年酬不得終日誦無厭
晒曝偏防蠹收藏別着簽偶吟聊報謝遲拙莫相嫌
乞箋紙寄犀浦王專著作
故人何處暫駢犀浦封疆濯錦西五色彩箋宜寄
惠知君管得浣花溪

送王遷歸青社

此別重傷情寒天二十程弟分微祿送兒逐蹇驢行
雪蔽千山色冰含萬水聲何時再相見去：海邊城

送諤師赴王寺丞台寫碑

才高吐鳳欺黃絹墨妙迴鸞命碧雲双美更堪傳萬
古羲之書法退之文

寄用晦上人

帝里如何忘舊山却因知己得名賢司倉道合惟一
可吏部交遊祇大顛紫色袈裟無蕙帶清齋襯施有
苔錢詩中琴裏偏相應用晦還應信仲先

和三門竇寺丞見贈

禹門公署似仙居誰羨同年在直廬閒製曲教鴉角

唱醉吟詩遣鳳毛書蒙過村巷驚玄豹命踏廳階上
白驢莫訝此篇酬更晚只緣思澁豈情疎

答魏中丞書
下交指交遊
志生以何
古齊文書
本高如

東觀集卷四
坐宋魏野仲先氏著
上解梁潘學士十韵

東觀集卷四

坐宋魏野仲先氏著

上解梁潘學士十韵

盡繼祖風流其如髻未秋石渠陳表讓山郡折資求
舜禹城分界神仙嶽映樓淫祠隨處毀學校逐鄉修
密疏多親寫狂詩少自收通宵營有樂度歲獄無囚
酒席圍紅粉鹽池照碧油藥同方士煉壺共野僧投
瓦礫今徒敵瓊瑤舊未酬幾多懷抱事欲去復遲留

寄逸人陳孟

東麓集卷四
姑射山前任朝昏事若何爐消文火疾琴斷武絃多
絕粒身彌健酬盃性轉和相思曾與約春暖杖藜過

詠懷

道心雖博愛遇物忽難兼樹更因巢惜雲曾為月嫌
酒中寧有感詩裏覺無言漸老成何事踈慵病轉添

贈安邑知縣方寺丞

尋常少往還門靜似居山書為傳家秘琴因國忌閑
坐衙更鶴擎行樂到禪關約我休官後隣居竹樹間

嵩嶽十四韻

東西南北嶽峻極盡難群有感生賢相無偏象聖君
四方觀王氣萬壑絕妖氛影入周公測聲曾漢后聞
民居依巨蔭敕祭蒼殊勲洞府高低接都城左右分
烟蕪巢父水嵐濕許由墳頂濶星難轉岩高日易曛
薜蘿藏隱逸瀑布濺耕耘帝籍頌辛讀天香降廟赫
石危名啟母村古號將軍獻壽雙雙闕呈祥出五雲
將仙存舊跡封禪表遺文終待移家住閑眠樂放勲

和陳推官見贈

白髮朱衣好寫真鶴行佐幕異常倫
勘書幾見招閒

客斷案常思出罪人棠樹政聲僧說遠蘇臺寶錄世
傳新仍知公退無餘事惟只焚香禮北辰

答張生咏菊詩

正當搖落獨芳妍向晚吟看露泣然還似六宮人競
怨幾多珠淚濕金鈿

送薛端公赴右蜀均輸兼呈同理劉大著二首

金魚新躍繡衣邊暫委均輸出劔關九折路危驄馬
怯一方塵靖木牛閑諸方迎送威風下赤子歌謠喜
氣間要羨錦城劉大著海棠花裏恣追攀

旌旆悠三出陝時白頭人送陪依二蜀川尚憶蒲盧
政蠻洞先驚獬豸威祖席香濃花未老行厨味簡筍
初肥公餘若薦相如賦耶縣梅仙好發揮

謝益州同理劉大著惠筇竹杖

雖勝斑竹與紅藤絕遠羸軀豈易憑爭得化龍歸錦
水老身騎去見心明

和孫虞部見贈

朝客惠詩牌山十愧不才旱田春雨過暗室夜光來
燈下吟三復琴中鼓數回性愚非賜也微旨尚難猜

東麓集卷四
賄不出院真公

閉戶頭初剃今來已白頭
五侯堂上見四海定中遊
鑿井還臨砌裁松欲映樓
人間思盧絕擁衲任經秋

別後却寄三門發運下寺丞兼簡臧推官

共泛樓船去臨流羨送君
烟中旗不見風裏樂猶聞
李郭情堪並荀陳事豈分
歸來村路上特地愴離羣

送劉大著赴任益州同理

金口親除向錦川一般監
郡最榮遷後來才已欺
鸚鵡此去寃應雪杜鵑
迎接僧携筇竹杖歌謠
民寫浣

花箋移風定不妨吟笑絕
唱宜磨玉壘鑿

晨興

夜長久待得晨興
耽睡童猶喚不應
燒葉爐中無宿
火讀書牕下有殘燈
臨階短髮梳和月
傍岸溪雲流
帶水料得巢禽翻
怪訝尋常日午起
慵能第六句一作傍岍哀

容洗帶水

酬和知制誥孫舍人見寄

也知皇宋足名人
至論誰教繼後塵
已見世傳元相
制將聞詔寫白公
真紫薇星宿雖潛望
紅葯階除豈

東麓集卷四
易親野客多慚惠佳句強酬應信費精神

送紫薇孫舍人赴鎮長安

長安千古帝王城鎮選詞臣自聖情三字帶來天上
貴双旌擁出世間榮朱衣尚列神仙步紅葯猶吟雅
正聲預想前春遊賞處九龍池上百花明

和郡侯咏雪

時節初過打獵天山河一色曉漫二梁王宴罷樽猶
濕謝傅詩成墨未乾筆硯窓間寧覺夜管絃天上豈
聞寒湏知祥瑞同零雨莫把梅花柳絮着

謝孫紫薇同郡侯石太尉見訪

誰共東郊訪懶魁一時文武盡奇才朱衣列到紫扉
住皂纛隨穿竹徑來乍照兒童戈似雪忽驚猿鶴鼓
如雷眼着兩地翱翔去溪上無因更接陪

咏菊

榮雖同雨露晚不怨乾坤五色中偏貴千花後獨尊
馨非慚黍稷采合勝蘋蘩蛺蝶寒猶至鷓鴣靜亦存
味堪資玉鉉光欲奪金樽帶霧藜尤密經霜艷更繁
砌蟲侵有路梁燕識無門薜荔宜求友茱萸好結婚

東麓集卷四
栽培勞婢僕服食教兒孫易把方先苦難為繼後昆
敗莎承亞朶落葉擁纖根雖異皇家瑞寧孤白帝恩
延齡仙訣著應候禮經言不與群芳競還如我避喧

上知府石太尉二首

陝城天險枕河湟茅土真風勝暫知雲路雖頻沾虎
節雪霜全未染虬髯白霓放作軍中練紅旆行為帳
下旗公暇不妨遊賞外佐僚時得一篇詩
功名早歲立艱難今日堪消費百般婢僕出來皆會
樂兒童生下便為官實封萬戶應方足密賜千金旋

已殘輜輳坐棠閑豹畧尚嫌拘束動嗟嘆

送三門發運辛寺丞赴闕

山河伏忠信盡室去安然白浪為行路紅旗認坐船
禹門辭有燕隋柳到無蟬豈羨來槎客風流載管絃

疏小渠

分得前溪水縈紆繞砌流清冷雖可樂嗚咽不關愁
靜稱浮花片閒宜泛酒甌却嫌川上看時復有沉舟

寄河中田沃兼呈李瀆徵君

未遂去蓬瀛閑居在舜城七絲調似性萬卷記如名

東麓集卷四
下榻留山相敲門認竹卿中條與太華窓裡見崢嶸
送唐肅察院赴東川提刑

按察東川十四州幾多山水似蓬邱清時應喜無冤
雪贏得乘驄到處遊

薛田察院泊壽師同宿三門開化院

繡衣蕙帶方袍客身計雖殊心共閒同宿河心山頂
寺數宵無事一相閑

寄王谷推官

登科二十載佐幕尚如初官為詩磨折家因酒破除

青衫應懶補白髮想慵梳別後長相憶何緣得共居
值雨宿諤師房

信步閒遊處妨歸路豈賒因琴避山雨和鶴宿僧家
語直非關酒眠遲不為茶共論塵世裏夜亦事如麻

送王希赴任衢州判官

秋江四十有餘程稱作紅蓮泛去清從關到州堪羨
處船中坐看山山行

和江南提刑王國博見寄

欲寫情懷難一二擬尋山水看千二輸他吳越閒鷗

東麓集卷四
驚朝夕常親畫舫前

送閒上人南遊

山水興如燒難留住陝郊五湖携磬去幾夜在船敲
屐跡來沙岬蟬聲起樹梢南方未回日何處暫編茆

聞王衢王闢登第因有寄賀

人間第一榮初得好科名萬乘登樓者三台讓路行
搜羅空草澤宴會敵蓬瀛榜眼兼衣鉢偏依野客情

當時衢為榜
眼闢為衣鉢

送宣筆與成都同理劉大著

宣城綵筆真堪愛蜀邑花箋更可誇雅稱風流劉大
著閑時題咏海棠花

用晦上人遊美陂

美陂寒水碧溶溶野客江僧望不窮更值晚來風雨
歇終南一半浸波中

還何學士詩集

魏也非高也微言豈易窮者雖許朋友寫不倚兒童
合在龍圖上難留蝸舍中因思持納處還浦與珠同

送高生歸青社

東觀集卷四
去指滄溟畔來辭翠靄間程遙過鳳闕家近見牛山
紅葉飄行色清溪照別顏蹇驢看上處拄杖出柴關
聞孟周下第周字祖聖

乙巳暮春天端居忽愴然一名傷祖聖三榜作遺賢
我自空禪指君誰可比肩何由消此恨爛醉落花前
一作獨坐
落花前

送孫磻西遊

貧居勝富貴况復是貧遊前路誰青眼高堂毋白頭
泰山晴望好隴水夜聽愁早作歸寧計逢歡莫滯留

東觀集卷五

宋魏野仲先氏著

咏竹杯瓊子

誰識破筠根還同一氣分吉凶終在我翻覆漫勞君
酒欲祈先酌香臨擲更焚吾嘗學某禱嬾把祝云
喜懷古上人見訪

隔嶺僧來宿閑同倚石樓漏聲過半夜月色近中爍
雅道玄須到權門險莫遊此心方共遠明日更相留

村居述懷

布褐楮皮冠朝昏信自然眼明山雨後髮亂晚風前
鶴病生閒惱僧來廢靜眠自知慵嬾性至死豈能悛

上知府鮑少卿

五福三朝客同年想少存立功後太祖卧裡見曾孫
易進因仁政難休為帝恩權臨二陝重官處九卿尊
烟翠甘棠樹風清畫戟門四民潛遂意百吏動驚魂
不病輕丹竈無愁鄙酒樽出衙清道路在宅素盤飧
上馬身猶健看書眼未昏獄空時擁旆多謝到山村
東歸懷寄河中表兄李徵君瀆

蒲津棠樹兩閒人我愧虛名帝亦聞三世往還為近
戚一時遮互喚徵君雖同閉戶辭丹詔尚阻連床卧
白雲苦恨中條鎮相隔老來離思轉紛

送鮑太監赴闕

紫詔徵黃下碧虛棠郊人送去何如深疑我后尊三
老未許伊川學二疎到想烟霞侵几杖行愁花雨滴
圖書歸期野客難陪後堂有吟魂逐後車

依韵和長安龍圖陳學士登熙臺之什二首

鷄野龍圖陳學士迎秋登眺稱英奇一聲玉管風流

東麓集卷五
處百尺金臺雨霽時雲近上清爭縹緲山連太白鬪
參差碧紗他日裁多少籠得園寺詩

臺躡熙二倚半空新秋好景與春同朱衣吏列登臨
處百二山河一望中

謝大著劉烜寄惠玉箋

皓潔分明如我鬢卷舒方正似君心三千里外情多
少一幅真堪值萬金

送王國博赴江南提刑

聖主憂民意過於君自憂一麾常慎選八使更親求

車馬皆新賜江山半舊游蠻旌飄後騎水弩下先舟
貧爰憐吾道寬思雪楚囚莫忘相送處村店凍溪頭

陪留臺李學士筵上賦得文石酒杯得杯字

知是何山得磨礪作酒杯斟疑五色動醉認一拳開
窪似泉春出痕如鮮漬來主人心樸素爰惜過瓊瑰

貽司馬池

年少老成人林間訪我頻文雖如額古道不似家貧
題柱寧慚祖甘時不為身鰲山將首別莫嘆尚沈淪

寄贈洛下達三藏

曾携瓶錫到靈山古寺歸來洛水邊
新譯經文傳北闕舊遊詩句在西天
鑪中香想方試籠裏燈應教世傳
別有空門難繼處宋尚書序本師編

寄長安孫紫薇

帶掌絲綸出鎮時樂天當日未如之
九遷官職光鷺鷥百二山河比
帝貌漢殿舊題司馬賦秦樓新唱舍
人詩相思大欲相尋處酒戶如何敵
酒卮

依韵和益州同理劉大著喜與運使薛端公相

東山古見之什

錦州風物似蓬邱運使詩流壓九流
五色雲中題寺觀四時花裏按軍州
棠郊野客空遙羨蘭省才郎稱共遊
縱使謫仙今復出難陪唱和却應愁

依韵和酬晦上人見題所居

陋巷西鄰名伯祠入城流水透疎籬
雨來石室琴先覺春去松庭鶴不知
薜荔交加侵甕牖莓苔斑駁繞盆池
草堂近日尤增價添得湯休二首詩

送王甲宰青石縣

甲字伯先
陶潛但植當門柳潘岳惟裁滿縣花
爭似伯元青石

東麓集卷五
去教民先只種桑麻

書三門開化院琳師房

四邊浪打疑疑動寺在半空山頂頭繞檻門牕多畫
捲應嫌坐卧見沉舟

送王秘丞利通倅閬州

到想行仁政民間豈復言冤思雪蜀魄哀歎吊巴猿
山水州城僻烟嵐徑路昏遙思上事日正值海棠溫

暮冬郊居懷李安

草屋松篁杪寒多市井間嚴風生北戶爰日落南山

下第人何處棲林鳥自遷琴樽雖在側難以解愁顏

送王太傅知榮州

莫嘆迢迢遠帝京且憐叱馭繼家聲歌鐘競出棠郊
送鼓角應過劔閣迎樓葉帶風驚玉勒梅花和雪點
下車遙想無餘事政譽還同在陝城

依韻和李安見寄

三舉休嗟尚陸沉獻書已得帝知音燒殘灰燼方分
玉披盡泥沙始見金思苦任城潘岳髻道貧莫動孟
軻心公車再召應非晚踈嬾尤難卜訪尋

劉煜大著忽惠雅章喜懼交集輒增二咏聊以

贈酬

東觀劉郎一古儒等閒簡帖類經書論交不棄如雲
客並馬常容似雪驢蝴蝶夢魂知有據鳳凰詔命想
無虛翻愁旦暮西垣去難伴王維宿直廬

送薛堦迎觀察院

知心人去野人孤猶賴時三見鳳雛病裏鳳雛辭又
去老身縱健不如無

又次前韻兼乞鶴

君去華亭鶴又殂眼前空見衆禽雛欲憑轉乞為閑
伴許史多情許我無

咸陽道中作

渭水凍無波終南翠色多雨臨殘照霽客向故城過
驚雁遠猶叫牧童寒不歌心愁人不會謂我欲如何
送孫狀元監丞赴闕

詔命雖殊異行裝亦等閒蓬壺如得路藜杖似歸山
赴約過松嶺辭家到竹關後茲位清峻野客轉難攀
暮秋懷王專臧奎王衢三從事

舊友各西東
閑思興莫窮
盡居花幕下
獨在竹林中
白屋貧雖異
清宵夢欲同
吟餘遙望處
寒雨正濛濛

送石太尉移鎮許昌

厭居棠樹遠
京師新自飛
章白玉墀許
郡席符依口
得涼州龍節
逐身移離聲
銀字調家樂
行李金函鎖
御詩想到即
徵歸密地金
波亭上不多時

送司馬池歸夏臺

芳草垂楊弄
色初中山酒
好想躊躇他
時駟馬來如
組莫忘今朝
跨蹇驢

雪竹

溪南一向幾
多垂欵咏終
難比並伊應
似彤庭將御
試麻衣群見
折腰時

哭岐賁從事

君喪重堪悲
才高位竟卑
寄孤偏屬我
知己更求誰
祭德宜修廟
傳名不在碑
何人與為傳
願錄野人詩

送懷古上人遊錢塘

正當搖落日
忽憶向江天
猿避經行路
鷗隨入定船
袖携詩卷重
杖揭鉢囊偏
約我湖心寺
相尋結白蓮

悼鶴

誰折仙禽足經旬致枉終仇宜天與報恨使我難窮
風月猶疑恹園林頓覺空殷勤親起塚只在草堂東

送王國博赴江南提刑三絕

江南按察去如何詔敕雖然密賜多不斷仙舟來往
震狎鷗載鶴聽漁歌

江南刑省致時和十郡應從宴樂多有山迎蕪水
送清音不斷勝清歌

江南大半舊經過君稱心多我恨多好景阻陪遊賞

去空縈老病動悲歌

送李安赴舉

野客獲何陳賢侯首薦人俗流寧肯餞良璞不嫌貧
棠樹離偏遠一作曉函關過已頻花時好消息佇聽向
溪濱

醜醜鳥一名提壺

解題兼解酌啼處靜堪聽林下雖沽酒人間最獨醒
石泉窺認竈花露飲為瓶翻笑耽杯者還應損性靈

寄贈知洋州李澤屯田

東觀集卷五
一種分符命最優翠微深處是洋州白雲繞坐疑山
相紅旆隨行表郡侯禪定僧宜陪靜話音聲鳥稱伴
閒游更輸屬邑錢希聖四季花前共唱酬

三門與臧奎推官聯句題東樓

二陝三門境奎江城想未勝野早衙連廟鼓奎夜市
雜船燈野乞任多朝士奎忘歸有海僧野東樓仍更
好奎欲去又同登野

東觀集卷六

宋 魏野仲先氏著

書逸人俞太中屋壁

羨君還似我居處傍林泉洗硯魚吞墨烹茶鶴避烟
閑惟歌聖代老不恨流年每到論詩外慵多對榻眠
送文北上人南歸

自由：獨自誰滯復誰催任笑雲無定歸嫌水不迴
瓶惟添瀑布杖衲卓莓苔如此真行脚餘堪我靜吟

述懷

東郊魏仲先生計且隨緣任嬾自掃地更貧誰怨天
有名閑富貴無事小神仙不覺流光速身將半百年
和宗人用見寄

兀坐幾忘形柴門夜不扃稔憐丞相雨瑞愛老人星
妻識琴材料童諳鶴性靈遠山延頸望疎竹枕肱聽
祖業存圭竇年支有茯苓閑身寄精舍狂跡在旗亭
養藥依丹訣嘗茶驗水經何時得相見靜話向松庭

送進士孫礎赴舉

半生養鈍向棠郊此去深宜奪錦標莫嘆遷鶩方出

谷即看一鶚迴冲霄送詩吟恨水生硯別酒携從雪
濯瓢驢蹇童羸山路險他時貴不忘今朝

送王闕太博赴闕呈劉正言

吟坐俱頭白分携重愴情才堪親帝座貧不似官行
曉霧迷山徑秋霖破驛程惟應劉小諫到闕喜相迎
酬和提刑王國博見寄兼謝惠竹簟

召伯城邊勞夢想滕王閣上動詩心閑思已隔江山
遠老別邨堪歲月深三徑出稀青草合双眸望久墨
花侵翻嗟玳簟雖蒙寄早晚同將坐卧吟

寄贈西川御史薛端公益州同理劉大著陝路
運使臧殿院梓州提刑唐察院

四賢同在兩川時不獨民間闕察微蜀鬼血流啼亦
少巴猿腸斷叫應稀文君酒旨停紅旆神女雲從惹
繡衣雪盡沈冤題畫景齊看詔向十洲歸

送薛奎殿院赴闕

謫監陝郡滯賢才清雪忻將紫詔開緩步未親龍展
去迴車願擁隼旗來辭蒙得、過三徑送合迨、到
柏臺秋霽山川行色好乘驄策蹇恨難陪

薛殿院將赴闕先歸絳臺迎覲

不妨赴詔暫歸寧躍馬惟消兩日程七十嚴君千萬
里綠衣爭似綉衣榮

謝孫大諫惠茶

盧仝曾謝諫官茶狂作長歌任過誇爭似君今相惠
者分從京口送村家

贈華山何學士致仕

累表乞眠雲明君始許君三峰同鶴住半俸與僧分
益壽藥難得朝元香自焚承家多令子冠蓋世紛、

依韵和馮亞見贈

君向城中住淳風想獨還相違多解夢不見少開顏
期約同尋葯商量共買山羨余庭際石重叠蘚痕斑

贈薛田察院兼呈劉大著

居喪貧御史家近亦難歸却恐詔起復如何贖綉衣
僕夫潛去盡一作矣親友頓來稀惟有劉東觀時扣掩
扉

寄贈河中孫大諫兼簡劉大著李贛徵君

暫出皇州路不賒莫同夢得動咨嗟双旌况鎮重華

國五府猶為大尹家劉曜卿方知屬邑李長源舊寄

生涯

劉燿字曜卿
李贛字長源

相逢應是星頻聚豈獨山河勢可

誇

和酬孫大諫見訪之什

冬日開門忽似春温顏和氣接如親貴能尚故尋村
友醉誤猶呼作舍人苗旆穿林行蘚上椹袍拂石坐
溪濱仍留雅咏訓雖晚每看長先整角巾

送賈注歸蜀

將為千名入帝都却言歸隱蜀鄉問永拋丹桂辭金

輦深入青山侍板輿囊裡幾般仙藥草杖頭數卷道
經書相門親友欣相羨富貴終難復舊居

長安龍圖陳學士寵示重陽日翠微樓上見覽
拙詩之作兼蒙寄翠微樓長樂亭二記各述一
絕紀而謝之

京兆重陽大尹家翠微樓上賞黃花秦娥應是停歌
吹看我詩狂到日斜

翠微樓

斗城誰建翠微樓富貴陳家小狀頭和記從今為四

絕鳳毛玉筋與銀鈎

長樂亭

長安長樂古來坡新剏離亭景致多從此祖筵休別
唱記中自有斷腸歌

和夏臺知縣李尚賢殿直見贈

咫尺縣前山陽城舊掩關西衙公務靜三載使星閑
雲入司房暗苔侵界石斑曾為攀桂客多謝訪林間

送王專著作之任犀浦

西川宰字選清強東觀修文輟佐郎濯錦江邊趨郡

府浣花溪上問封疆半年訟必消民境數月歌應徹
帝鄉百里舊聞風物好公餘遙想入篇章

送張子臯推官赴闕

閑想何人得似君泛蓮難滯五侯門風流自是神仙
客雅淡誰知將相孫寒籟忍堪飄別曲秋霖那更洒
離魂青春漸上青雲去後會應難向水村

次韻和酬洛下宋京見寄

聲名獨步向西都主將風騷敵亞夫龜洛泛應隨釣
叟龍門遊想領生徒公車未召身猶散相府深知道

豈孤可惜春時還不見眼前花卉護芳敷

知府石太尉閑抱瑤琴榮臨圭竇燒笋供膳刻
竹題名因成二絕紀而謝之

分茆人忽到茅齋踏破溪邊萬點苔却恐歌鐘喧靜
境隨軒只背古琴來

筍就林燒厭八珍煙為翠幕草為茵功臣名姓留何
處自把金刀刻翠筠

池上閑咏

微物滿池塘閑看向夕陽草虫腰盡細水鳥嘴多長

科斗漁翁字芙蓉野客裳詩成堪寫處蓮葉碧熒香
送縣宰王希之闕下

到任預憂替：歸貧類初離情似芳草遠道逐征車
遺愛還留記行裝只擔書將來好官職願載此間除

寄唐異山人

不見琴詩友相思二十秋能消幾度別便是一生休
未得雲迎步還應雪滿頭何時各携杖竟去會松江

送王秘丞赴闕

詔下儒中選將臣衆推何處避君恩圖書官職人間

美斧鉞威權閫外尊蘭省交朋迎敵願棠郊寒士送
消魂功成竚聽居藩翰肯憶漁樵在水村

和薛田觀察咏雪三首

林間踏去宜沽酒石上收來好煮茶除却子猷當此
景高情偏憶戴逵家

七字吟空六出花與君無酒只烹茶門前俱絕行蹤
跡還似袁安卧在家

密壓溪雲入戶斜照開睡眼不須茶誰言落處無偏
黨牽率詩家壯酒家

送趙推官赴王太尉辟命

舊友敦詩將邊城辟去初坐籌銷劍戟行李減琴書
虜帳應先遁屯田想未鋤蕭關迎有騎瀚海食無魚
家道寧思慮軍容計慘舒唱籌戎幙靜登眺戍樓虛
馬飲沙河濁蟬鳴隴樹竦看歸闕日官向粉闈除

新栽葦

臨砌復臨流栽初尚未稠長因帶風雨遠似在汀洲
靜閒宜紅蓼閑棲稱白鷗前村應更好江上夢潛休
送王太博出鎮桂林

主上求人鎮大藩桂林雖遠莫嗟嘆薛能嘉樹非真
命韓愈潮陽是謫官甘雨將沾蠻草潤仁風先掃瘴
烟殘龍鍾不得相隨去願寄州圖枕石看

謝何學士王專推官王道士同見訪

閑離錦帳戴紗巾誰送東郊訪隱淪舊在幕中珠履
客新遊門下羽衣人掃苔雖是開三徑采蕨何由致
八珍太史還應怪纏次郎官星犯客星頻

經嵩陽廢觀因有戲題

嵩陽多廢觀欲驗少碑文地屬村夫子苔漫石老君

艸生泉更浸松老燒猶焚欲問神仙事悠悠空白雲
送馮介迎覲

離聲無管絃空把指頻彈惟子猶為客何人不作官
前程貧豈易後會老應難想拜高堂下麻衣淚始乾

送無用上人歸中條

迢遞中條寺秋尋忘險途履蹤臨水有錫影入雲無
像閣分秦樹經窻見舜觀我曹題壁處閑者想踟躕

秋夜與陳孟話別 孟善琴

草堂燈暗雨瀟瀟欲話分携重鬱陶何事琴中猶怨

切淒涼調裏鼓離騷

寄盤屋知縣解且著作

盤屋樂天初任地此時君又繼多才閑應時到遊仙
寺石上題詩拂綠苔 白樂天遊寺詩云林間煮茗燒
紅葉石上題詩拂綠苔

東觀集卷七

宋 魏野仲先氏著

同閨師宿三門開化院二首

白蓮社主碧溪人同宿三門寺裏雲四面濤聲秋更
怒並床猶恐語難聞

瘦筇輕錫共携遊砥柱峯前宿寺樓各有溪居嬾歸
去經旬不是雨相留

寄題洪州華林胡氏書齋

江僧昨日到茆齋曾向華林挂錫來因說胡家宗族

盛御書樓對義門臺

三門留題

何由通九曲始自鑿三門夏禹功如小東溟位豈尊
龜鼉當日窟雞犬此時村溜恐和山漩濤疑惹石奔
勢愁衝地軸聲想震天闍寺廟中流聳烟雲兩地屯
樓臺疑蚤吐舟楫畏鯨吞遊客雖驚險居僧不厭喧
如潮無振鷺似峽欠啼猿孤店經商少雄司漕運繁
人家無釣具鳥道有薑痕胆喪尋遺跡心傷吊溺魂
折城唐記列砥柱祖名存况復詩書載狂題愧雅言

寄俞太中山人

相訪住三年初終道一般知心於我易屈指似君難
有物皆同詠無書不共看草堂今獨處寧免動長嘆
登龍門縣樓與知宰劉大著將話別因有題紀
名士為官處登樓景好題縣城蠶市鬧村墅鵲巢低
日暖園蔬嫩晴烟壠麥齊長宜同此望那忍話分携

夏日寄懷西川峽路淮南薛臧王三運使

運使幽人酷暑時江邊林下兩何為信旗君逐舟車
動嬾架吾隨枕簟移綉袂幾經梅雨洒葛衣一任竹

東觀集卷七
風吹蜀山淮甸棠郊外早晚相逢豁所思

贈王氏神童昆季

先後登科出玉京滿朝詩送更光榮豈惟皇宋終難
繼自古神童少弟兄

送俞太中山人歸終南

字貫之

俞貫之辭魏仲先終南歸去落花天如何相見還相
別早晚溪雲一處眠

題鄆陽楊氏書樓

竹多千畝餘賣竹濟貧儒門掩圭峰影樓添鄆郡圖

蝸涎緣棟有鶴跡入泉無終約重来此相憐卜養愚

送任乘南歸

歸覲江山遠如何叙別離數杯村店酒一首野人詩
趁渡憐舟穩貪程恨馬羸遙思到家日已過落花時

偶作呈諤閨二上人

老雖無悶向郊堂忽：還因感物傷積霧易迷平地
水孤雲難護滿天霜祥麟可向清時見警鶴難於黑
處藏信意偶然成此咏衽堪閑寫與支郎

和人見咏新鶴

雪霜毛羽瘦形儀養處人家覺道肥龜有壽齡方可
近鷺無仙分莫相依千年松上宜孤立五色雲中好
共飛不競巢棲爭飲啄也應難免衆禽非

出戶

出戶下莎庭徘徊當踏青靜嫌鶯闔舌閒愛鶴梳翎
雲好昂頭望松宜側耳聽便堪為導引誰信可延齡
次韻和薛端公歸故里之什二首

苗旗影裡椹袍身迎入蒲津免問津策蹇去時為舉
子乘驄歸日是功臣豈同化鶴千餘歲纔過登龍十

數春開宴仍聞傾錫賜酣歌喜殺故鄉人

尚輟通儒外討籌堂身豈等閒儔綺羅筵別文翁
郡錦繡榮歸舜帝州貫酒村穿紅樹過讀書寺入翠
嵐遊逍遙樓樹家山迫得意詩銷此處留

聞雷宣徽薨背敕塋歸鄉

聖代賢臣喪何人不慘顏新祠民祭祀舊債帝填還
鹵簿塵侵暗銘旌淚洒斑功名誰復繼歸塋向鄉山

和馮亞寄進士孫磻

閒思生白髮懶更把菱花久別何州住相尋恐路差

獨飛傷塞雁會宿羨靈鴉猶得君為友時過老母家
送唐肅察院赴闕兼呈府尹孫大諫

東郊祖帳慘西風愁聽陽關曲調終赤子泣皆牽繡
袂白驢鳴亦戀花叢觸邪暫立龍墀下僊直將歸鳳
閣中大尹相逢憑仗說官高不敢寄詩筒

和酬益州劉大著同運使薛端公見寄之什

遙思錦水會荀陳共指棠郊憶卧雲青眼雖然蒙望
我丹心不覺恨輸君離情香：三千里老病厭：八
九分惟待急徵同赴闕一時得見向溪濱

遊藍田王順山悟真寺

藍田王順昇仙處白傅曾題似更稀野客暫遊期欲
住山禽何事叫思歸稱心不獨烟霞媚適口仍逢笋
蕨肥兩日正當寒食日家園忘却育芳菲

留題仙遊寺

一作仙
逸寺非

將從三峡泛扁舟先向仙遊寺裏遊水石却驚偏恠
異江山狂興一時休

清明日離藍田白鹿原寄王太傅

白鹿原來晚色中人家新火翠烟濃豈惟心友難為

別驢上回頭戀玉峯

寄淮南制置使薛戶部

西自荆巫徹海涯南從吳越接京華
半天下管權何重兩地閒遊不賒山
澤利均資我國江湖境盡屬君家
帝心已簡身寧愧使額雖雄性不奢
數道轉輸歸檢察滿朝才子動吟誇
搜尋奸詐窮毫髮舉薦賢能在齒牙
彩旆雙飄為從物盡船一簇是行衙
已聞村落添農器漸見汀州減釣車
不使菰蒲侵黍稷將令橘柚變桑麻
台州頂自尋仙藥建水湄親采御茶器

量寬如波浩蕩風謠多似櫓嘔啞閒
尋僧話穿雲葉靜聽漁歌隔浪花
野客唱酬容散拙郡侯迎送厭喧
譁携筇未逐板陪去溪士時時動嘆嗟

懷宗人仲容

尋常念朋友况復是宗人久別彈琴少
相思擲卦頻旅遊湘水遠家寄華山貧
早晚重來此園林又過春和何學士見咏
新得鶴

喜得華林鶴看承過所宜防飢先種稻
憂病預鑽龜易愜眠雲意難酬卧錦詩
不緣過郡謝步在相隨

夏日雨中題諤師房

夏雨下如繩虛廊減鬱蒸
濺琴移榻避添硯就簷承
暗喜同田父聞聽共野僧
苦吟題壁上欲改又慵能

送外甥李渭進士赴舉

棠樹掄才過禮闈孤寒得解
更光輝進身喜逐賢侯
表裏足愁分老母衣千里
冬殘傷獨去一家春盡待
榮歸頭方念爾還如我到
闕何人許扣扉

和酬入內趙供奉見贈

出入宮闈侍從官再過林
下信溫顏朝天駐足因臨

水馳驛回頭又望山捧詔正
當趨桂殿寄詩那忽到
松關老來詩思尤枯竭莫
怪陽春不漸還

和薛田察院同龍門知縣劉大著洎數公禹廟

留題

七人廟下立徘徊相顧閒心
幾欲摧落日堪傷四散
去再來難得一齊來

三峰王耿殿丞將移鎮陝下通理先已同袁刑

部以唱和詩見寄因次前韵和酬二首

君移棠樹民皆喜我住東郊
却嬾誇拙性怕逢詩債

主病身愁見酒讎家郢詞溫潤如絲雨蜀紙鮮明似
綺霞况是已經仙手和點頭空使角冠斜
蜀出多才信不虛淹翔猶未佩銀符民間惠政應長
有馬上歌詩豈暫無休話卜隣來草澤即省得路去
蓬壺申湖公暇閑遊地賀監何須說鑑湖

百舌鳥

長截隣雞叫五更數般名字百般聲饒伊饒舌爭先
曉也待青天明即鳴

送吳石赴舉

吳生重赴舉輕別重傷心貧友欲沽酒豪家不典琴
溪僧來會送國士到爭尋預想登科後無因到竹林

暮秋閒望

水閣閑登眺郊原欲刈禾壞簷巢燕少積雨病蟬多
砧隔寒溪搗鐘隨晚吹過扁舟何日去江上負烟蓑

懷寄眉山知縣王闕寺丞

闕字
仲通

仲先別仲通長憶又長慵有夢應相信無書想見容
塵埃五十驛山水幾千重老去難尋訪何時得再逢

送王太傅抽赴闕

憲府吾皇注意偏君今應詔合居先
蛾眉班綴千官上鹿角威揚萬乘前
貴戚望風從此日貧交披露是何年
相忘枉駕相辭處艸屋門開雪滿天

寄陳越學士

越字損之

損之不見數年餘萬種相思一事無
惟有近來郊屋夢為君時復到皇都

東觀集卷八

宋 魏野仲先氏著

薛端公寄示嘉州道中所作因次韻以答

綉衣不間薜蘿衣春暮嘉川入咏思
憶我郊廬欵枕處當君驄馬着鞭時
展眉喜近龍頭境回首遥傷鶴髮期
從此親題山館裏多情頓掩閨仙詩

賈島亦有嘉州之作

送劉大著移任龍門知縣

天上書先夢裏傳到施仁政減春寒
尚虛鰲嶺神仙任暫作龍門父母官
愁悶豈惟增假寐寤寐談直恐絕

真歡不緣潦倒長相逐免得離情有萬端

送壽師新加命服後歸蜀

日照孤雲作彩霞帝鄉風送去天涯野人遙望歸何處萬里峨嵋便是家

書閔師白蓮堂

野人禪客合相陪漸老詩心亦共灰
未草堦前容不去白蓮堂上喜頻來
地形各占幽深境天產俱為散逸材
猶恨東郊西寺遠閑門難並水邊開

寄陳越學士託附魏仲容

取次昇沉論等差雲霄獨不忘
泥沙常流對面如千里密友終身似一家
鬼夢因君遊輦轂書題為我寄烟霞
仲容到日還應說半紀相思兩鬢華

送王專王衢之許下自維揚謁孫學士王舍人

蹇驢並跨引羸童兩地迢迢謁至公
才力互相鸚鵡敵交情淡與鵲鴿同
薛能詩在僧樓上張祐名題酒肆中
到日知君尋賞處醉吟還可繼遺風

送錢國博知坊州

遙為坊民賀一方壽星偏去照光芒
解携朋友龍三

處隨侍兒孫雁兩行芳草路中車
突兀落花風裡旆
悠揚眠雲客子難陪從空遣吟魂
倍慘傷

上知府李殿院十韵

詔選來棠樹花驄擁旆乘饑民期
再活寒士賀中興
鹿角誰傷觸狼心自戰競只求天
子信寧避世家憎
竊聽無餘論惟愁有急徵每因公
宴樂方遣妓祇承
才薄終難紀情深豈易勝相親容
似鶴不拜許如僧
郡閣招看雪溪亭訪躡冰轉求詩
老退何以荅褒稱

新井

林間鑿井新里巷汲來頻及見羸
瓶者翻思抱甕人
乍嘗牙覺冷試煮茗尤珍從此
前溪水潛輕似不仁

書黃池谷王山長屋壁

仲先曾到仲淹家書院穿雲一徑
斜勸酒莫嫌無樂
送溪聲鳥語在山花

送楊侍禁赴闕時有甄先生相隨因為之賦

一種黃花覲紫宸文資換必異常
倫隨軒已有三筇
客下榻寧無兩制人清洛聽應移
足嬾碧蒿着想轉
頭頻他時乞得休官後莫負前言
作善隣

和蹇歲用暮秋郊居言懷二首韻

村落秋窮興不窮黃花紅葉照衰容時平轉稱千般
巧年長仍添一倍慵林下移筇聞遠水洞中欹枕見
前峯與君隣近何相似來往人多是老農
敢學宣尼嘆道窮閒心何處不相容交朋盡筴龜蒙
散隣里偏宜叔夜慵晚吹清冷凋萬木殘霞紅淡映
三峰為憐今歲田中稔欲遣兒孫亦務農

謝劉小諫寄惠雙鶴

令威兄弟涉烟波諫署人教到薜蘿毛比君情猶恐

少格如我性不爭多相呼似說冲霄志對舞初聞擊
壤歌仙術無能騎謝去青雲未免阻閒過

次韻和同理王耿殿丞見贈

年來暫屈佐元戎富貴真宜在藥宮性潔恥分錢子
母時清嬾話劍雌雄公心似水逆形鑑和氣如春觸
物融莫道州民俱受賜好詩編得有誰同

送唐殿院罷蜀中提刑赴詔兼呈孫大諫

花驄出蜀瘦行難急詔乘輅定峻遷清雪人如辭父
母白雲客似別神仙看曉望晴霞爛漫伴宵征暑月

團圓寄語集賢孫大諫莫嫌未和舊詩篇

雪中書事上李階殿院

草堂高迥樂郊東西望
楮筍景莫窮山水城池雲葉
裏管絃樓閣雪花中
須知應瑞因仁政不獨呈祥自
帝功太守多才又多暇
唱酬翻怯見詩筒

獨酌吟

獨酌獨吟誰與共
天為知己月為朋
水邊醉卧無人
見席有烟莎枕有肱

謝薛省判寄惠鶴

早輟仙禽寄逸民
年來亦似厭家貧
時時東望長鳴
處應憶朱門舊主人

送蕭諮下第西歸

驢瘦嬾加鞭
遲遲念獨還
聽雞行曉月
嘆雉迓春山
渭入黃河濁
雲封紫閣閑
明年公道在
莫便掩松關

謝張仲允見訪

園林花木發
豈是為遊春
深愧青宮客
先尋白屋人
兒童驚茜綬
僕隸笑紗巾
踏雪携詩謝
朱門亦許親

送魏莊赴舉

百戰去何如羸童逐蹇驢路貧多捧刺學富少擔書
已念離家晚仍憂取事疎西風酒旗下欲別更躊躇
酬和知府李殿院見訪見訪之什往來不休因

成四首

暫擁紅旌到郡新相知情似舊交親盡驚慷慨山河
主忽訪支離草澤人辭往讓慙揚綉袂溪橋迎喜整
紗巾留詩中貴仍揮翰斐美應難繼後塵
玉韻重聽倍爽神銀鈎忽覩更躬親郡侯喜是風騷
主野客慚為唱和人積霧曾侵紅綉旆異香猶惹白

綸中兩篇篋裡貞珉上頻拂寧堪有蠹塵

使君誤訪梁郊民願我何由得暫親苗旆動驅千百
騎茆亭纔着雨三人旋燒陸羽烹茶鼎忙換陶潛漉
酒中可愛水邊松竹上數朝猶自有香塵
雖喜乘驄到水村却愁詩敵勢難親平生未豎降旗
客臨老将為棄甲人多角勇無心害物雞皮怯有汗
沾巾數篇勉和情枯竭潦倒詞鋒息戰塵

送王太傅知建昌軍

莫嘆三山隔五雲建昌境好說紛：雖然尚作貧才

子猶免潜呼老使君遠逐朱輪輸雁陣閒親畫舸羨
鷗羣棠郊獨恨分携後高論何時得再聞

暮春雨中作

獨院信寥々蠶生穀未苗殘春無數日積雨復連宵
不恨流光速惟傷去路遙那堪當此景時見落花飄
送蹇歲用之平陽

蜀客貧遊晋山川木落空軍閒無虜寇俗儉有堯風
雁急長天外驢遲落照中聖君方選士莫使嘆途窮
和絳臺王都官見寄春日書事之什

絳郡政閒暇人家可閉門馬嘶花下路犬睡月中村
吏亦擎書卷民皆挈酒樽行春思隱逸多謝動吟魂

送袁景宗之荆渚省親

荆渚北堂寧聖善棠陰東閣別嚴君雲村山館思親
夢二十餘宵兩處分

寄龐房

爰於瘦馬上吟詩孟浩然真更似誰雅稱自將圖畫
看况君小筆勝王維

和訓李殿院見訪

清嫌水有不清冷閑擁朱輪扣掩局樂廣喜披溪上
霧戴遠慚認月邊星高情稱就雲為幕雅詠宜鐫石
作屏竹裏小亭從此後因君堪號降賢亭

寄題閩鄉李氏茅亭

閩鄉古邑有吾親河上茅亭結構新五老分明為北
里三峰咫尺是西隣兒孫不厭閒遊客鷗鷺偏諳醉
主人彼此眠雲相憶夢從今應更往還頻

和酬李殿院以野將遊吳蜀二首

將從兩蜀下三湘清世那憂道路長杖履雖然遊自

在旌旗寧免別淒涼召公化實宜歌詠謝傳詩尤媿
發揚願得德星歸未動光芒依舊照毫芒

携得筇枝肯得琴欲浮蜀浪涉吳岑本期勝境酬双
眼却恨虛名阻片心出似蓬飄寧免醉住如匏繫不
妨吟重訓雅詠重思夢太守相留意最深

上知府大同王太尉六首

兩地曾辭最重權功如溫樹懶能言從來富貴知何
恨少有元戎是狀元

暫輟居留後洛邑坐棠亦恐不多時皇儲新策聞求

輔位冠春宮更是誰

五等諸侯稀五福三朝官爵欠三台下車一變熙
景賓閣多開印少開

健擁旌幢七十餘苦吟還似在山居腹中萬卷猶嫌
少更待隣州借僻書

薦士滿朝稱弟姪教民到處通兒孫就中治陝偏清
淨不似侯門是道門

子細曾看九老圖科名官職盡難知更思呂望同君
歲猶自磻溪坐釣魚

吾友山陽蹇子韞常游穎上言彼之居人有許

氏者富不因貧學非求進於郡之西手植衆木

鬱然成林下構亭壯而不麗郡倅黃公宗旦

皇宋有名之士也常造焉尚闕歌詩以旌其美

故俾予請詩於公於是作八十言以寄題

道勝富如貧亭臨穎水濱一瓢思祖德三徑與僧隣
虛白雖同性丹青不似身趨庭如有子下榻豈無人
紉佩蘭多老成蹊李自珍開楚迴雪少聯句聚星頻
家譜書難備州圖畫不真遙題應未的莫把刻貞珉

上知府大同王太尉

履歷三朝五十春，坐棠難見輟元臣。
分茅已是無雙將，折桂兼為第一人。
郡邑暫為勞撫恤，華夷剋日望陶鈞。
下車未暇求民瘼，先向東郊訪隱淪。

酬贈絳臺錢太尉見寄

分符不獨得民誇，玉署清華有地華。
重耳山河初作主，闔宮闕舊為家。
風飄樓閣高低架，日照池塘上下花。
多謝到州農未勸，雙金先沐寄烟霞。

別雲臺觀同宿饒益寺與薛聯句



自古人：忌嘆嗟閒遊得侶，復堪誇。
魏可憐十宿無喧雜，不在僧家，在道家。
薛



東觀集卷九

宋 魏野仲先氏著

和酬張井見贈

溪上閒居四十春，溪蘭佩蕙為紳自。知吟咏非經
濟，誰道機謀學渭濱。三尺焦桐勝面友，數家老叟是
比隣。少年多謝携詩什，來訪疎庸潦倒人。

啄木鳥二首

瓜利嘴還剗殘陽，啄更忙。千林蠹如盡，一腹餒何妨。
形小過槐柏聲高，近草堂。豈同閒燕雀，唯解啄一作雕

梁

亂繞園林咏終朝意若何莫因饑不足翻愛蠹偏多
渴飲隣溪下驚從剗樹過辛勤咏還囑無損好枝柯

送張先寧親

千里寧親去青春勝老萊苦辭留不住堪送到方回
行色秋仍慘離聲晚更哀前程如有信新雁好頻來
送黨宣負外赴闕兼呈劉少諫

行裝堪入畫何如馬更羸不到任初棠樹喜拋州郡
籍蘭臺宜掌國圖書艸芽綠未侵官道柳眼青先近

帝居願共耀卿采舊地飄纓擁旆過吾廬

次韵和李殿院咏雪

瑞雪祥雲見盛時功輕苦雨漫霏霏墜來雖作天花
瘦消去偏滋麥隴肥太守登樓飄綉袂幽人出戶混
麻衣隣封願得還如此免說秦饑與晉饑

送李殿院移鎮淮陽

花驄秋健綉旗開漸出棠郊近帝臺耳目官終拜
去股肱雄鎮暫迎來兩州將相為交代三選漁樵阻
接陪猶賴雅章留刻石時聞省拂塵埃

送武屯田赴峽路均輸兼簡臧奎殿院之什
旌旗如火馬如風十二峰前少去同錦帳選掄為漕
使綉衣交代是家為兒亦在提封內神女猶居畏
愛中好繼金陵丁太尉留題盡着碧紗籠

燈花

豈假栽培力自然殊衆芳開非因雨露落不為風霜
難似殘鶯轉蛾如宿蝶狂丹心塵豈染明焰露難藏
隨曉客看嬾畫眉人剪忙杏園遊宴者曾借我餘光
次韵和酬知開封縣錢易學士見寄三首

赤縣滯清才家曾有國來埋金寧變土燒玉豈成灰
敏手知誰敵冥心懶自媒雅章蒙寄惠味勝沃醇盃
遠勞仙館客相勉寄詩來豈有口更嘆兼無心可灰
來詩云莫嘆鬢如貧資閒壽命吟助道梯媒信拙過
雪且教心似灰朝暮除能泥酒杯
珠落銀鈎向玉牋不還合浦到溪邊無双之美真堪
愛似聽湘娥舞舜弦

送王太尉赴詔二首

功名不獨世推降五福天鍾更少双倚注即看宣几

杖休閒惟待讓旌幢
家園到想傾金篋
鄉宴迎應倒玉缸
重過嵩山定回首
白雲深鎖舊吟窓
三朝元老狀元稀
乞養形庭詔便依
金鼎位高將正拜
壁田家近恐妨歸
殊恩每過莓苔迳
別淚偏沾薜荔衣
從此征車東去後
甘棠風物減光輝

謝王太尉惠書

貴不忘貧賤華緘到
敝廬分明如國史
子細是家書情有千
重在詞無一字虛
未諳親謝去東望
但躊躇送塞減用省
况

迢遞西南路山多水
莫窮波濤千里遠
風雨一船空海獸形
難識蠻僧語不通
此行忘險阻義與在
原同

新栽竹

蒼翠兩三枝親和凍
塊移旋吟酬得處
就刻紀栽時已任雪
頻洒未經風苦吹
幽人心自足千畝復
堪嗤和酬何泳推官
見贈

杜牧科名李賀曹不
宜花幙莫辭勞年顏
不似詩情老公器還
如酒戶高我祇卧遊
藍碧嶂君宜立近楮
黃袍雅章酬晚慙庸
拙吟社何人與破逃

送孫推官之闕下

去此知君免嘆嗟
薦章先已到京華
賓筵沉滯才雖久
仙省遨遊路不賒
絲映酒旗村店柳
紅迎詩筆御園花
幾多祖席棠郊外
馬上回看日已斜

留題華山陳希夷先生舊隱

先生止不朽太華
合為碑至道雖無跡
玄言尚有詩
亂飛雲似覓不食
鶴應悲獨繞空壇
下山風動紫芝

和馮亞見贈

一生無一事兀々復騰々
信脚雖過寺齋心不請僧

松篁為活計琴酒是良朋
除却君酬唱他人亦嬾能

送陝尉邵國華南歸廣州

台棠陰裏邵梅仙
守選南歸路七千
辛苦已傷過嶺外
別離那忍向花前
到京店舍逢新火
度越封疆入瘴烟
相對與君頭盡白
不知後會是何年

和王衢見寄兼呈董行父

棄繻東入武牢關
帝里經年豈是閒
鵬退暫知淹鳳
翥鵬飛即看上鰲山
討論相慰門生意
談笑應開翰
長顏公內知于王內翰
行父即門人也惟我塊然誰共處
終朝門掩

竹林間

渭上秋夕閒望

秋色滿秦川登臨渭水遠殘陽初過雨何樹不鳴蟬
極浦涵新月孤帆沒遠烟漁人空老盡誰似太公賢

過古戰場

戰死掩無墳生降恥負君古今魂易吊貴賤骨難分
狐兔迷莎徑烏鳶噪隴雲誰家有征婦曾此待回軍

長安春日書事

長安春色自依依大命移應地不知蔓草已迷雙鳳

闕千花猶照九龍池豈無東閣開今日尚有南山似
舊時一月悠悠遊不足青門欲出步遲遲

哭錢觀察

搃麻授鉞器縱橫盡說長城指顧成岳既孕靈偏有
意天何位壽太無情明堂欲建棟梁折巨海將浮舟
楫傾未得四旬餘四載龍旌不覺變銘旌

將遊蜀中恨有所滯至情難蓄發為拙詩寄錦

川峽路薛田臧奎二運使提刑楊及

却為虛名動嘆嗟難知雲鶴轉天涯兩川尚阻尋三

友四海空傳是一家白髮無多殘歲月青城何限好
烟霞此生不遂閑遊志蜀魄巴猿恨莫誇

疑山石泉 并引

陝城之東南五十里有山曰疑山。之下有寺
曰興慈寺。之中有石泉焉。其水清而甘其味
清而潔飲濯灌酒無所不可有松竹以交蔭無
泥沙以相渾湛然內明外物莫撓野與友人王
專字貞一居於是求讀之暇但有月上山林雖
夜永天寒亦往觀之傳曰知樂水余寔蒙拙非

思之于兼濟但愛其虛澈耳噫山非峻以寺而
稱寺非壯以泉而嘉而泉無詩何以旌焉因作
一章凡二十句請貞一書於板俟好事者觀之
閒玩正巖凝神仙落鏡澄至清無隱物微暖不生水
派想河難雜源疑濟是明窺魚光照鶴洗鉢影搖僧
逗石聲偏響烹茶味更增四溟終必到八卦內先稱
氣逐岩雲起紋隨竹吹興戲游鱗未化呼應鳥相鷹
靜樂慙非智成章愧不能終朝臨處。雖淺亦競。

送端上人南歸

相尋如有事獨去似無依海內山遊遍江邊寺始歸
題詩當路少乞食入城稀肯學尋常輩忙為紫衣

東觀集卷十

宋 魏野仲先氏著

題陝府同判衙吏隱亭

小亭高岬上危絕復何言墨跡唐丞相詩牌宋狀元
山形連二華河勢瀉三門吏隱真宜此無窮景滿軒
聞李安下第因有所感

客攜春榜至開處倚柴荆一作荆未看御題目先尋君

姓名本期隣狀首敢嘆滯文明不會玄穹意默然空
愴情

次韵和鄴都趙尚書見寄

將鉞截瓊瑤親題寄山野喜若丹和羹味如重啖肉
身在蝸廬中心懸雀臺下龍門許復登奔馳寧侯駕

送王衢之任德州推官

從軍重叠寄家聲雅稱風流舊信靈功業即看輝聖
日科名先已應台星絲蠶地說連河朔戎馬塵聞近
虜庭正是窮秋雨多際不堪回首向郊坰

經溫泉

堯水不墊民溫泉溺唐祚兵處洗不得翻為天下汗

山鳥徒咬：翠華無問處

寓興七首

天地無他功其妙在自然堯舜無他聖其要在知賢
知賢無他術觀其出處焉堯苟不知舜徒云能則天
每念李斯首不及嚴光足斯首不自保光足舒帝腹
我心異老聃驚寵不驚辱豈敢示他人吟之將自勗
秦鑑雖至明不能自照燭楚劍徒云利翻將自殺戮
有國苟失賢若洗瞽矇目况履艱險途舉步成顛覆
秦楚昧於斯寶器徒收蓄

伯夷非好餓展禽非好黜聖人不私已動為萬世則
夷齊苟就祿賊亂何由窒展禽苟便去何人肯佐國
其跡則有殊其道萬為一

聖人不避嫌小人不避恥伊尹放太甲董賢居高位
嗟：若此人堪愛復堪鄙

天地勞覆載日月勞往還此尚不能息何況居其間
鳥獸飲食外悠：無貪慳如何人異此晝夜機相關
願我道何如心足身常閒

勿謂患至大君聖民有賴勿謂事至小父荒子無告

因思唐堯九年水少子驪姬數滴淚

寄河中王專推官兼呈知府孫學士

風流官職稱紅蓮花發多同太守筵綠醕十分傾玉
箏清商一部列金鈿池塘閒咏陪靈運樓閣時登異
仲宣更想清明倚公暇樓岩藹迥到應偏

寄贈桃林尉史溫

知韞才能負壯心莫嗟作尉尚湮沉幽求起去登台
席居易微來入翰林望氣臺邊桑柘密桑柘關外水
雲深憐君况是微君後閒擬秋涼策杖尋

送陝縣薛階主簿

少年來作簿英俊復誰如好事雖聞舊能官不覺初
耽憂因稼穡廢寢為詩書客戀門前住民欣部內居
親科公舍竹教種職田蔬異日廳應鎖清才本有餘

次韵和王希知縣見贈

從前宰邑絕文詞喜遇今來併有詩封禪榜偏推鳳
恭陶鎔筆肯轉稽遲訟庭任靜猶忘寐文會雖忙不
後期莫怪林間強酬和一般民最受深知

送錢中舍移任洋州興道縣兼呈知郡李屯田

鷓鴣出宰去如何莫為辭親癸浩歌掩抑暫因民製
錦鷲翔終預帝搜羅尊前老淚流難盡林下離腸斷
已多却羨使君為舊友公餘開宴日相遇

贈孫何狀元

天非道莫尊道非賢不存始知賢人生與道為轅輪
明廷親選士慮彼賢愚渾天子至文明擢公為狀元
一榜三百人嘿：誰復言有如鳳在林衆鳥不敢喧
威稜鹿有角度量海無垠直入仲尼室不顧孟軻門
文得古中新陳熟甚已寬一字如一星光芒不見痕

首官來理陝棠樹換枯根淋氣春風和美化冬日暄
至誠物莫欺至明物莫昏平思治地陝清欲變河源
我生三十年未嘗離邱園樸性味巧習惟知道可敦
貧巷無富車閒地惟雲屯我願為松竹生在君子軒
早夜接清風節高陰更煩何當親教授如渴飲衢尊
斯言拙且直堪將神鬼論

寄友人臧奎

知己念不見塊然曷為生慈母無醜子淡父有嚴情
凍雲少舒卷獨鶴多哀鳴茲懷若為寫援琴不成聲

別同州陳太保

至道不在言至言不在舌在琴復在詩諒惟君子別
侯門戟森：中有野人謁非趨勢利場慕彼仁義輟
此去幾遲留急焉還歲月孤心傷欲摧凍足澁如折
離聲無歌鐘行色有霜雪去矣當復來琴弦未欲絕

宿晦上人房

野客訪琴僧夜午月又午為我彈薰風似聽重華語
夏夜與臧奎陳越會宿河亭聯句三十韻

雨破畏日沉月出酷暑歇野衙中河亭上靜與山不

別奎良朋俱遠來文會一何悅越箕踞巾爲閒玩好
琴樽列野煩禮厭拘攣陳言誓擺脫奎揮麈影參差
飯果香馥烈越酒令時解嚴談鋒久不缺野梁天無
荒淫飽德異饕餮奎高談閒謔浪正義排詭譎越抗
俗絕依違評文無詆訐野輿論鄙壽張奴學賤剽竊
奎徵引角競出聯唱更相發越較善合權衡馳義同
軌轍野萬物情難逃千古疑皆決奎聖道約扶持淫
詞謀剽削越風鑿定妍媸天機藏巧拙野是物有廢
興惟道無本末奎義路自坦夷世途終兀臬越烈士

死光輝常徒生汨沒野逸氣小風雲直筆輕斧鉞奎
孟軻心不動陶潛腰恥折越疲倦僕屢更輝映燭頻
跋野浩歌不成調狂舞強赴節奎氣候隨斗占分野
為星列越蛩韻時斷續漁燈乍明滅野河聲疑地震
電影若天裂奎飄風奪輕紉零露透疎葛越酒海傾
屢空詩源浩不竭野咸平己亥歲二年時六月奎此
會是何人其名野奎越

解城條山并引

解城之南出五里抵中條山、有絕壁介立儼

若峽東緣岬汭流似有人跡瑯琊王衢趙郡李
識處士魏野江東僧用晦披蓁索徑深入數百
步止于泉石之溪道路未遠塵事且隔雲鳥風
物鳴動左右而山語野笑樂生盡日因相與濯
足命為聯句詩一章凡二十句用晦書于岩壁
時淳化五 秋八月三十日

萬仞雲根泉清泠濯吾足晦森々洒爪甲凜々寒肌
肉衢來初自試探坐久舒縮野觸開浪花句踏破
苔衣綠衢肺腑亦清冷形影相照燭晦忽罷避遊魚

未歸妨渴鹿野懼濁遠泥沙就陰憐草木衢浸潤易

調暢狎玩難羈束識欲伐我未能先起人何速野此

會高且閒願繼漁父躅晦

宿王闢宅與王專洎僧用晦上人因成聯句

夜淺月未生春寒雪猶在闕吳僧携古琴來與山人
會專詩心有是非禪語無慷慨野高鴻自冥々弋者

復何害晦

淳化五年秋八月二十四日鉅鹿魏野江東僧
用晦趙郡李識瑯琊王衢同登解城聯句詩一

章凡六十四句

危城閒登臨秋色際空碧衢四顧廓且平萬慮忽然
釋翮精城日月暗曠達天地窄野壯節但孤聳憤氣
欲四射衢深穴狂風號峭壁濃嵐滴識胆氣高虛空
眼目無疆域翮齒耳如洗濯剗腸似剗剔衢高談俗
不聞佳句景來索野四時歸牢籠萬象在咫尺衢山
勢出嵩華地界連虞虢識意脫喧卑場神入清虛宅
野千峯如聚拳萬木同森戟翮白雲閒不動飛鳥忽
相逆野平莎類裊裊遠籟當琴瑟衢定交心欲剖言

利口難擘野不作蔽日雲願為補天石翮道在梁詩
書時平偃金草識嘯傲得良朋狂散遇勅敵野筆功
壓斑輸酒力歎烏獲衢逸思驟雨傾歡情湍水激識
宏門匪防禦學海詎沉溺衢寔果間酒巡隣客和歌
拍野頭鄙鍾儀冠足愛謝公履翮靜勝貫兵法默論
通禪寂衢聚散傷輪蹄興亡悲簡冊識迴飈激吟兔
長空挂醉魄野泉石無榮枯塵埃自休戚翮鳥道晚
採樵人家晴種麥衢暮野牛羊雜重虛鷹隼擊識涿
鹿樹圍青盞池霞照赤野畫牛羨山相狎鷗憐海客

衡
古人何卑屑束縛于名跡用

此余十八歲時手校本迄茲三十二年矣客窓
重閱不勝今昔之感

嘉慶元年四月二十四日胡重託於秀水沈氏
寓舍



東觀集十卷

魏野(字)撰 鈔本

一冊

89854

秦燬